


UKUCHEMA NOJESU

 Enye indawo eLouisville, lapho eni—nidla khona, futhi ibizwa ngokuthi, ake sibone, iDogpatch Restaurant. Nginayo eyodwa, namhlanje. Uma noma ubani edla lapho, khona-ke bathatha imali obanike yona, bese bethumela ebandleni okweshumi kuyo. Kundawana-thize ku 319 West Jefferson Street. Ngicabanga ukuthi yingakho uBilly ubenayo ibekwe lapha, ukuthi ukuze bezokwazi ukubona. Lokho kuhle kakhulu.

² Manje, bazalwane, angazi ukuthi inqubo yenu yo—yomhlangano yabesilisa, lokho nje enikwenzayo, noma ukuthi niyiphatha kanjani imihlangano yenu. Futhi uma ngiphuma ohlelweni lapha, ngani, ngiphume emgudwini ojwayelekile, ngani, nginakiseni khona.

³ Bekuhlosiwe kulobubusuku, ngicabangile, njengoba ngangine—nedina kungekudala nomelusi wethu othandekayo kakhulu, uMfowethu Neville, futhi ngangisho okuthile kuye okwakusenhliziyweni yami. Futhi ngicabangile, uma sithola isigejane samadoda ndawonye, nabefundisi, bangabalingani bethu lapha beVangeli, namadoda, besingakhulumisana ngendlela ebesingeke sikhulume ngayo phambi komphakathi. Ngoba sonke siphakathi... Singamadoda aqondayo njengamadoda, amadoda angamaKristu. Futhi ngaleyondlela, invamisa, ebandleni, iqembu, usho okuthile, futhi—futhi omunye uzokuncikisa kancane *ngalendlela*, futhi omunye uzokuncikisa *ngaleyondlela*, bese—bese-ke kuhamba konke kuphume. Kodwa lapho sifika ukuzozama, kulobubusuku, ukunitshela ukuthi yini enginayo enhliziyweni yami, okumayelana nebandla, neyalo—nendawo yalo, nokuma kwalo. Bese kuthi-ke uma siqede ngesikhathi, ngizothanda ukukhuluma nani nje kancanyana eZwini, uma kulungile. Ukuthi ukuxazulula lokho, ngakho-ke sizothola ingxenye yethu yebhizinisi, noma ingxenye engingathanda ukuyizwakalisa kini, kuqala. Futhi ngiyacabanga mhlawumbe nizophuma, ngesikhathi esijwayelekile, cishe ligamenxe elesishiyagalolunye noma okuthize kanjalo, njengasebusukwini ngabunye. Awu, ngizozama ukunganigcini isikhathi eside. Kusasa nguMgqibelo, futhi usuku olukhulu lokuhweba, kodwa manje sifanele sithole igilosa yethu nokunye nokunye.

⁴ Ngifuna ukusho kuMfowethu Neville, esidlangalaleni. Manje ngi—ngifuna ukusho, komunye nomunye wenu, njengoba nje bengikhuluma kini ngasese, ngamunye nje. Isizathu, niyiqembu eli—eli... Ngiyakucabanga ngempela lokho, futhi ngiyakholwa futhi ngifundisa, ukuthi, amadoda, uNkulunkulu wenze amadoda abaholi beBandla laKhe, labantu baKhe.

Niyabo? Futhi kuyi...Njengoba bengishumayela ezansi kuMfowethu Junie Jackson, izolo ebusuku, ngoNkulunkulu eqinisa abantu baKhe—baKhe ngeZwi laKhe. Futhi kwakungowesifazane owabhobokela kulowomugqa futhi wabonakalisa ekucabangeni, futhi lapho kukwenzile, uNkulunkulu ubelokhu ekubekile kokwaKhe, ukuze abantu bagcine iBandla laKhe liqiniswe ngeZwi.

⁵ Manje, ngi—ngifuna ukukhuthaza uMfowethu Neville kancane nje, ngikhulume naye ngasese. Ngiqaphelile izolo ebusuku, ukubona okufihlakeleyo kungishayile, kabili noma kathathu, ngenkathi ngisepulpiti. Futhi ngiphendukile, ngoba ngizama ukuqhela kude kangako kukho ngengingakwenza, ngize ngithole ukuthi iphupho belisho ukuthini kimi lapha kungekudala, emavikini ambalwa edlule. Kunamathele kimi isikhathi eside. Ngikushilo lapha ebandleni, mayelana nokuthile mayelana noMlayezo no—nokubona okufihlakele, nokunye nokunye. Akuzange nje, bekungaphumi nje kahle. Ngombono wami, lesosikhathi sesiphelile, futhi—futhi ngingahle ngibe nephutha kulokho. Kodwa ngiqaphelile ukuthi—ukuthi uMfowethu Neville ubethe ukukhandlela nokuphatheka kabi.

⁶ Futhi nokho bengifuna nje wazi, Mfowethu Neville, ukuthi ulindele kuphela kulenhlanganyelo kulokho. Uqaphelile nje lokho uSathane azame ukukwenza ezinsukwini ezimbalwa ezedlule kulokho abefundisi abebelangene kule nhlanganyelo na? Ngimile nje imizuzwana embalwa, futhi ngazibuza. Lapha kuhleli uMfowethu Crase, ehlezi lapha, kulobubusuku, ocishe wabulawa phezulu lapho emgwaqeni. Niyabo? Futhi ngicishe ngasakazeka ikhanda lami ngesibhamu ingebe, noma ngesibhamu esikhulu. Niyabo? USathane ezama ukusithatha. Futhi lapho uphahlazeke khona ngqo, futhi ungazibulala qobo lwakho nomunye wesifazane futhi. Niyabo? Abefundisi nje, buka nje i—iqembu elikhonzisayo. Niyabo? NguSathane, futhi uzama ukuqeda ngathi.

⁷ Manje, siya, qonda ukuthi, asibuthene lapha ukuzokhuluma ngohlobo oluthile lwebhizinisi. Silapha ukubuthana, ukukhuluma ngo...ngoKristu, nokubamba ukubamba, nokuthi kwenziweni ngalesisikhathi samanje.

Futhi ngi—ngifuna ukukukhuthaza, Mfowethu Neville. Yiba nesibindi. Kungenandaba ukuthi kuvelani, kuhambani, kwenzekani, ungavumeli lutho lukuhaqe. Yima lapho nje njengedwala leminyaka, futhi uNkulunkulu uzokwenza yonke into iphume kahle. Ukufakazisile lokho kuwe. Isizathu, lokho bekungakuphatha kabi, lokho bekungambulala lowo wesifazane, futhi lokho bekungaba semqondweni wakho, zonke izinsuku zakho, futhi bekuyoba khona izinto eziningi. Kodwa uNkulunkulu usesesiHlalweni sobukhosi. Yena, Uvumela lezozinto zisebenze kahle. Ubengasithatha, nathi. Futhi, ngakho-ke, uSathane elwa eBandleni.

⁸ Manje, ngenkathi ngibeka lelotshe legumbi lapho ngalokho kusa, angikaze ngizizwe ukuthi ngiyoke ngibe ngumelusi. Kwakungekho ekubizweni kwami, ekuqaleni. Futhi ukubizwa kwami kokuqala kwakungukuba sensimini yokuvangela. Lokho kwakuseminyakeni eminingi edlule. Futhi ngaqala, ngapha etendeni, ngaphesheya nje komgwaqo.

Futhi ngiyakhumbula ngenkathi uMfowethu Roy Davis, ezansi lapho, nebandla lakhe lasha lacekeleka phansi. Leso sigejane sabantu sasifana nezimvu ezihlakazekile zingenamelusi, babengenandawo abangaya kuyo.

Futhi uMnu. Hibstenberg wayeyiNduna yamaPhoyisa ngaleyonkathi, futhi wangibiza ezansi lapho. Wathi kimi, “Silapha ukuzokusiza.” Wathi, “NgiyiKatolika, qobo lwami, kodwa,” wathi, “labo bantu,” wathi, “abanazo mhlawumpe izingubo zokugqoka.” Kwakungesikhathi sokucindezeleka. Wathi, “Baya kwamanye amabandla futhi bazizwe bengekho endaweni, futhi bangabantu abalungile. Ngazi abanengi babo.” Wathi, “Billy, uma ufuna ukuqala ibandla,” wathi, “Ngifuna wazi ukuthi sisemuva kwakho kunoma yini esingayenza ukukusiza.” Futhi ngiyambonga ngakho.

⁹ Sibe nosuku lokuncenga umnikelo wemali. Okokuqala, siyakhuleka futhi sicela iNkosi. Futhi abantu beza kimi futhi bebefuna ukwakha isonto, ukuze bezoba nendawo abangaya kuyo. Futhi sanquma lendawo, futhi ngobunye ubusuku ngakulesisikhathi, noma ukuqhubeka kancane lapha, enqwabeni yokhula lwamahhashi khona ngalapha, namanzi kulesisisele, futhi nje kwakufana nendawo yokulahla, kanjalo. Awu, iNkosi yakhuluma kimi impela futhi yathi, “Lakhe khona lapha.” Kungekho ngisho upeni wemali, futhi phakathi kwethu sasicishe—cishe sibe namasenti ayisishiyagalombili noma idola. Futhi lokho, kusobala, ubungakuhleka lokho manje, kodwa, mfowethu, lokho kwakuyimali ethile ngaleyonkathi.

¹⁰ Ngenkathi abanye omakhelwane babepheka ibhodwe likabhontshisi, futhi babethola umakhelwane owayengenalutho izinsuku ezimbili noma ezintathu, eze ngapho futhi adle okumbalwa kwawo, lezo kwakuyizikhathi ezinzima. Iningi labafa abasebancane abakaze bakubone lokho, kodwa lokho kwakungukuhamba kanzima. Ngibone isikhathi lapho wawungedlulisa kulelibandla ipuleti lokuqoqa umnikelo, kabili, noma kathathu, futhi uthola amasenti angamashumi amathathu endaweni egwele phama, futhi ukunxuse. Kwakunga... Wawungathola cishe amasenti angamashumi amathathu, futhi ube nomnikelo omuhle. Niyabo? Impela kungukuhamba okumahhadlahhadla.

¹¹ Futhi sasingenalutho esizokwakha ngalo, nokho i—isifiso sabantu kwakungukwakha isonto, ukuze sasizoba nendawo yokuya kuyo. Isizathu, ngalezozinsuku... Umlayezo, awu,

ucabanga ukuthi Kungumcabango omubi manje. Wawuyofanele uKwazi ngaleyonkathi, lapho kungekho muntu, futhi khona-ke okwalombhaphathizo wamanzi eGameni likaJesu Kristu, nezi-zibusiso nezinto esikholelwa kuzo nesizimele.

¹² Ngakho-ke phezu kwenhliziyo yami ngenza isithembiso kuNkulunkulu, ukuthi sizohlala lapha futhi sakhe itabernakele. Ukusa esabeka ngakho itshe legumbi, Wahlangana nami laphaya embonweni, cishe ngelesishiyagalombili nqo ngalokho kusa, ngenkathi ngangihlezi lapho, ngibuka phandle ngaphesheya, ilanga liphuma, cishe ngalengkathi yonyaka. Futhi Wayengitshelile, emva kokuba Wayehlangane nami ezansi lapho emfuleni, naLokho, ngenkathi iNgelosi yeNkosi ibonakala kulokho kuKhanya. NgiKubonile ebangeni. Kwakubukeka njengenkanyezi. Futhi Kwehlela ngqo phansi phezu kwalapho ngangikhona, futhi lawo Mazwi adumile akhulunywa. Futhi ngakho-ke, khona-ke, ngihlosile-ke ukuthola indawo yokuba abantu bakhonzele kuyo.

¹³ Manje, ngicabangile, qobo lwami, “Akusikho okwami. Akusilutho kimi.” Kepha nokho noma yini ephathelene noNkulunkulu iyingxenywe yami, akunandaba noma ngabe ku... Noma yini e—engeyabantwana bakaNkulunkulu, ingeyami, noma ngabe kungumsebenzi wami ukwenza *lokhu*, noma ukwenza *lokho*. Kungumsebenzi wami ukubona ifa likaNkulunkulu, kungakhathalekile ukuthi kukuphi. Niyabo?

¹⁴ Njengoba nje ubungathi, “Awu, owami...” Njengoba wawungumfana omncane, uthi, “Umsebenzi wami—wami nje ungukunquma ukhuni, hhayi ukulupakisha phakathi. Makuthi uJohn alipakishe ngaphakathi. Anginandaba uma iqhwa liwela phezu kwalo, imvula. Makaphume futhi alulande.” Qhabo. Kungumsebenzi wakho njengo—njengomntwana walelokhaya ukubona ukuthi lolokhuni alubi manzi, wenzele umama wakho. Niyabo? Lupakishe.

¹⁵ Uma bethi, “Awu, uFrank ubefanele ahambe futhi ayokha amanzi. Akusiwo umsebenzi wami.” Kodwa uma uFrank engawakhanga amanzi, ngumsebenzi wakho ukunakekela amanzi. Yilokho kuphela. Manje, yileyondlela nje okuhamba ngayo.

Futhi yileyondlela okusebenza ngayo emndenini kaNkulunkulu, futhi. Uma abanye babo—abanye babo besho. . .

¹⁶ Omunye, kungekudala, uthi, “Yekela indlela oshumayela ngayo. He, bakithi, uzokonakalisa wonke wonke umngani onaye, nayo yonke into kanjalo.” Wathi, “Kuyekele lokho. Ngiyazi ukuthi akulungile, kodwa, he, akusiwo umsebenzi wethu.”

Awu, kungumsebeni kabani-ke na? Uma kuyiphutha, omunye umuntu uzofanele akwenze, ngakho-ke asikwenze nje. Futhi yileyondlela engizwa ngayo ngeBandla.

¹⁷ Izinhlelo zokwakha nokunye nokunye kufikile, phansi phezulu, phansi phezulu, futhi kubekhons izizathu ezimelayo neziphikisayo, ezakhiweni, nokunye nokunye. Owedwa wayekufuna, futhi omunye wayengakufuni, futhi *lokhu*, *lokho*. Wena, ukuthola kanjalo.

¹⁸ Ungakuthola lokho lapho usebenza phakathi kwabefundisi, phakathi kosomabhizinisi, phakathi kwamadlangala, yonke indawo ohamba kuyo. Lapho uneqembu labantu, u—unemibono ehlukile. Futhi ngakho-ke, ngakho-ke, ufanele ube nomuntu oyedwa obeka ithemba kuye, futhi ukhethe lowo muntu. Wonke umsebenzi onalokho.

Njengasembuthweni, ufanele ube noyedwa ungujenene, lokho yikomkhulu. Ukaputeni usho *lokhu*, ungukaputeni walelo qembu, kodwa khona-ke ujenene angayishintsha imiyalo yakhe.

Futhi uJenene onguMkhuzi oyiNhlolo, kusobala, nguJesu Kristu, eBandleni. Nabefundisi baKhe bangokaputeni baKhe bezinkampani, lowo—lowo omelele Yena lapha emhlabeni.

¹⁹ Futhi bazamile izinto eziningi, itabernakele elincane lapha. Futhi ekugcineni . . . ngathula du kukho, ukubona nje, ngemuva kokuba sengilakhile. Futhi khona-ke iNkosi yangibizela ngaphandle ngangena ensimini, cishe eyishumi nanhlanu, iminyaka eyishumi nesithupha eyedlule, futhi ngalishiya ibandla.

Kodwa, noma kunjalo, angeke nje ngilikhipe. Bengihlala njalo nginamathisele igama lami kulo, ukuze ngibe yivoti ngesinye isikhathi uma into engalungile iqalile phakathi lapha. Ngingaba nelungelo lokuza futhi—futhi ngikumise, ngoba ngikujulukele iminyaka eminingi ngemuva kwalelipuliti, iminyaka eyishumi nesikhombisa phakathi lapha, ukugcina into iqondile. Lapho zonke izinhlobo zezimfundiso ezigqamile nokungena nokuphuma, nalolonke uhlobo lwenkolo-ze. Futhi ngokuba ngongakhethi-hlelo, yonke into endizele phakathi, indize *ngalendlela*, futhi ngosizo lukaNkulunkulu simile lapha neVangeli elimsulwa, futhi lisamile namanje ngokufanayo kulobubusuku. Kunjalo, ngakho si . . . Kodwa kunezikhathi ukuthi lelibandla lizamile ukuthengiswa liphume ngaphansi kwami, nakho konke okunye kanjalo. Ukube igama lami belinganamathelisiwe kulo ezansi lapho, ngani, impela beliyoba njalo, libe ukulungiswa okwesabekayo kulobubusuku. Hhayi . . . Futhi kwakungesimi, kwakunguNkulunkulu, kusobala, owakwenzayo.

²⁰ Futhi khona-ke, njengoba ngikubona manje, kungena endaweni okuyiyo, futhi siphila ehoreni elikhulu, kuseyilokhu kuyintshisekelo yami ukusho okuthile ngalelibandla, niyabo, ngoba liyi—liyingxenye yami. Akunandaba noma ngabe ngilapha noma qha, liseyilokhu liyingxenye yami. Futhi kungumsebenzi wami ukubona ukuthi lisebenza

ngokuhlanzekile, ngokucacile, nokuhle ukwedlula konke engingakwenza ngenxa yoMbuso kaNkulunkulu.

²¹ Futhi ngiyajabula kakhulu, ukuthi, kulezizinsuku, ngiyabona kunokuncane okuncike kulo, engibongayo ngakho. UMfowethu Crase lapha, iqembu lakhe laseSellersburg; nomfowethu emuva lapho, osanda kuthatha indawo kaMfowethu Snelling e-Utica; noMfowethu Ruddell phezulu lapha; noMfowethu Junior Jackson; nalabobafana abayigugu, abangamadoda akahle, amadoda amangalisayo kaNkulunkulu. Bashumayela lo Mlayezo. Manje, bangahle, omunye angahle angavumelani nje kancane phezu kokunye noma okunye, lokho ngumuntu kuphela phakathi kweqembu labefundisi nokho. Futhi uma abefundisi benomehluko omncane, angeke kube ne-nethunzi lomehluko kukho.

Mhlawumbe oyedwa angathi, “Ngikholwa ukuthi iminyaka eyiNkulungwane izofika, futhi uJesus uzoba sehhashini elimhlophe.” Omunye athi, “Ngiyakholwa, lapho Efika, Uyofika ngefu elimhlophe.” Awu, inqobo nje uma bekhola ukuthi Uyeza, leyo yinto esemqoka, niyabo, akunandaba ukuthi Uza kanjani. Nje, bayakholwa ukuthi Uyeza, futhi bayakulungiselela. Futhi ngaleyondlela . . .

²² Ngizamile ukuthola manje. Futhi kade ngitadisha. Ngikukhulumile ngaphambi kwebandla. Kade ngitadisha iBandla lasekuqaleni. Futhi ngibhekisise indlela lawomadoda agcotshiwe alungise ngayo iNdlu yeNkosi, nenqubo yokukhonza iNkosi eNdlini, futhi kungishaqise ngempela, kahle ngempela. Futhi ngashumayela lapha esikhathini esedlule, futhi phezu kwendaba kaJoweli 2, “Ngizobuyisela, kusho iNkosi, yonke iminyaka eyadliwa yisibotho, nenkasa, nenkumbi, nokunye nokunye.” Futhi ngiqala ukufunda ngalokho, ngalokho lababantu abakwenzile, nendlela abanakekele ngayo iBandla uNkulunkulu abashiyele umbonisi.

²³ Manje sizozala ngeBandla lasekuqaleni, futhi nje siLilethe cishe imizuzu emihlanu manje, sehlele kulokho abakwenzile, futhi khona-ke nginganibonisa umbono enginawo ngekusasa. Manje, ekuqaleni, iBandla lasungulwa ngePentekoste. Futhi lapho uMoya oNgcwele wawela phezu kwabo, lapho uJesus wayekhetha abayishumi nambili. Futhi oyedwa wabo wayewile, futhi babekhetha uMathiya ukuba athathe indawo yakhe. Futhi uMoya oNgcwele walinda kwaze kwathi konke lokhu kwaba senqubweni, ngaphambi kokuthi Kufike. Babefanele bakhetha oyedwa ozothatha isikhundla sobubhishobhi sika—kaJuda, owawa ngokona, ukugcwalisa umBhalo.

²⁴ Futhi ngiyakholwa ukuthi zonke lezizinto zinesikhathi sokulibala, sokulinda, kodwa kulinde isikhathi sokuba umBhalo ugwaliseke, kuze kuthi yonke into ilunge, yonke into ngokwenqubo, kulindile. Izikhathi eziningi sithola

pa-...ukungabekezeli, njengomntwana. Thina kakhulu... sithola ukulindela okukhulu, futhi izikhathi eziningi sigxuma le ngaphambili, futhi lokho—lokho kuvimbela umsebenzi, kuze kuthi umsebenzi ubanjwe. Niyabo? Sifanele nje sihambe ngenhlonipho, sibe nenhloso enhliziyweni yokuthi uNkulunkulu, uma Ubengafisa ukusisebenzisa *ekuthini-nokuthi*, kodwa lindani aze Enze ukuvula, ngoba Uzofanele ahambe phambili kwethu.

²⁵ Niyakhumbula uDavide eya empini ngalobobusuku na? Wayekhathazekile ngaleyompi, futhi walala ngaphansi kwalezozihlahla zamajingijolo waze wezwa iNkosi ekuvungazeleni kwamaqabunga, kuhamba phambi kwakhe. Khona-ke wahamba ngesibindi, ngoba wayazi ukuthi uNkulunkulu wayehambe phambi kwakhe.

Futhi ukuba kuphela besingenza lokho, bazalwane. Ukwazi ukuthi impi ifanele ifike, kodwa sifanele silinde size sibone isandla sikaNkulunkulu sihamba phambi kwethu, ukwenza indlela.

²⁶ Manje, ngiyaqaphela ukuthi kanjani amabandla, ubuvangeli baqala ukuhlakazeka yonke indawo. Futhi khona-ke sizothatha, isibonelo, uPawulu eba isithunywa senkolo esikhulu kubantu bakithi. Sithola ukuthi wahamba cishe, nomaphi lapho iNkosi yayimholela khona, futhi wasungula ibandla. Futhi kwakungukuKholwa okusha. Amabandla angalezozinsuku, njengase-Asiya Mayina, konke kudabule eYurophu, ba—babengawukholwa lowo Mlayezo. Futhi lapho wayezofanele ashumayele uMlayezo, futhi abanangi baphendukela kuWo, khona-ke kwakungekho muntu...Uma ashiya abantu bekulesosimo, babeyozulazula babuyele ngqo konkulunkulu babo bobuhedeni, nasebuJudeni, noma ngabe yini okunye, ngoba abantu babengenaye ongabafundisa. A—abaphendukile, babengenayo indawo abangaya kuyo, ngakho-ke uPawulu wasungula amabandla ezingxenyeni ezehlukene zezwe.

²⁷ Ngalinye lalamabandla, washiya omunye umuntu owayesengubweni, indoda eyayithembekile, indoda eyayaziwa njengemelusi, umelusi wezimvu. Noma, khona-ke, emva kwalelibandla khona-ke uba... Amanye amabandla amancane aphuma kulo. Izinsizwa namadoda amadala avuka, futhi aba ngamabandla aphuma kulokho. Indoda eyayingaphezu kwebandla lokuqala yayibizwa ngombhishobhi. Futhi khona-ke abakhe abaphuma kuye, abantwana bakhe babebizwa ngabelusi bezimvu, noma abelusi. Futhi khona-ke...futhi iqembu ngalinye lamabandla amancane bonke babezobuyela kulombhishobhi.

²⁸ Njengasesikhathini sika-Irenaeus, waqhubeka nento efanayo. UMartin waqhubeka nento efanayo. UPolycarp nento efanayo. Kwehle njalo kudabule onyakeni, babenalokho.

Futhi khona-ke umphostoli weBandla, umphostoli, lowo kwakunguPawulu. Futhi ngenkathi uPawulu esehambile, uJohane wengamela iBandla. Futhi ngenkathi uJohane esehambile, uPolycarp waLengamela. Ngenkathi uPolycarp esehambile, u-Irenaeus waLengamela. Futhi kwehle njalo, uMartin, kanjalo kanjalo.

Kwakulokhu kuqhubeka nje kwaze kwathi ibandla eliRoma Katolika lephula yonke into yaba zicucu, futhi babashisa, futhi babasakaza. Futhi isibotho sidla *lokhu*, nenkumbi idla *lokho*. Nokunye nokunye kudla *lokho*, futhi kudla *lokho*, baze baLiletha layothi ngqu ohlangeni.

Manje, kodwa, uNkulunkulu wethembisa ukubuyisela futhi leyonto efanayo.

²⁹ Nginge. . . ngiyakholwa, ngayo yonke inhliziyoyami, ukuthi siphila ezinsukwini zokugcina. Ngiyakholwa ukuthi a—akukho okuningi kakhulu obekungephula lokhu, noma yini. . . Futhi incazelo yami ingahle ibe yiphutha, ngemiBhalo, ukuthi uJesu ubengeke afike kulobubusuku. Ngiyakholwa ukuthi lokho okuncane okusele ukuba kugcwaliseke, bekungagcwaliseka ngaphambi kwemini ekuseni, futhi bengiyobona. Futhi ngingahle ngibe nephutha esikhathini salokho kugcwaliseka, kodwa sekusondele. I. . . ngiyakholwa lokho.

Futhi, khumbulani, uPawulu wakukholwa lokho. UJohane wakukholwa lokho. IPolycarp wakukholwa lokho. U-Irenaeus wakukholwa lokho. UMartin wakukholwa lokho. Bonke bakukholwa.

³⁰ Bekungathiwani ukube uNkulunkulu watshela uJohane, umambuli, “Manje, kuzoba yiminyaka eyizinkulungwane ezimbili ngaphambi kokuFika kwaMi”? UJohane wayezobuya futhi atshele iBandla, “Awu, ngiqagele singahle nathi sidle, siphuze, futhi sithokoze, ngoba kuzoba nezizukulwane eziningi.” Niyabo? “UJesu akezi eminyakeni eyizinkulungwane ezimbili.” Niyabo? Ngakho-ke, niyabo, iBandla belizongabambeki. Belinegeke libe khona “ophawini.” Bekungeke kube khona ukulinda.

Futhi ngemuva kwakho konke, ngukulindela kwakho, uma ulala kulowomlindo, ukuthi uvuka kanye nabo ngokulindela okufanayo. Isizathu, angeke kuvimbele neyodwa into. Uzoba khona lapho ngesikhathi, noma kanjani. Niyabo? Niyabona ukuthi ngiqonde ukuthini na?

³¹ Manje, ngenkathi—ngenkathi uMartin oNgcwele evuka ovukweni, uPawulu oNgcwele, bonke, kuzoba kusha nje sengathi bebekade besempini ngqo, belwa khona manjalo, ngoba bahamba baqonda ezansi ngaphansi kwalokho kulindela okufanayo, befuna ukuFika kwaKhe. Futhi kuzobakhona ukuMemeza okufikayo, futhi phezulu kuyofika iBandla lonke. Uyabo? Lokho kuyoba yikho. Ngakho-ke, akunandaba. Niyabo?

³² Sizofanele siMfuno khona manje. Ngisho...Asazi. Ku-kungenzeka ukuthi kungaba yiminyaka eyikhulu kusukela manje. Kungaba yiminyaka engamakhulu amahlanu, iminyaka eyinkulungwane, iminyaka eyinkulungwane eziyishumi. Angazi. Akekho owaziyo. Kodwa, asithi, isibonelo, ukuthi siye saphila usuku ngalunye, ukuthi Wayeza ngalolosuku. Niyabo? Uma siphila sengathi Wayeza ngalolosuku, lapho sivuka, uma silele, futhi sivuka ovukweni, kuyoba kusha sengathi besikade silele nje, sivele savuka nje. "Icilongo liyokhala, abafike kuKristu bayovuka kuqala; thina esikhona esisasele siyohlwithwa kanye nabo, ukuhlangebeza iNkosi emoyeni." Niyabo? Ngakho-ke kuzoba kusha nje.

³³ Kodwa manje, kuze kube yilesosikhathi, aze Afike, sifuna ukuphila usuku ngalunye ngokungathi Angahle afike ngomzuzu olandelayo, ngoba kungahle kube ukuphela kwempilo yakho ngalowo mzuzu. Awazi ukuthi uzohamba nini. Lokhu kungahle kube ukuphefumula kwethu kokugcina, esinakho kithi manje, ngakho-ke ufuna ukuphila sengathi kunjalo.

³⁴ Kodwa manje ukuqhubeka, phambili, sifanele sibeke amanyathelo ezihlabathini zesikhathi, ukuze abanye bengabona. Ukube uPawulu akazange aqhubeke ngendlela enza ngayo, khona-ke uJohane wayengeke azi ukuthi angalandela kanjani. Ukube uJohane akazange aqhubeke, uPolycarp wayengeke azi ukuthi angalandela kanjani. Ukube uPolycarp akazange aqhubeke, u-Irenaeus wayengeke azi ukuthi alandele kanjani. Ukube u-Irenaeus akazange aqhubeke, uMartin wayengeke azi ukuthi aqhubeke kanjani. Niyakubona engikufundile na? Ngamunye ufanele abeke amanyathelo ezihlabathini zesikhathi.

³⁵ Awu, uma ngicabange ukuthi kwakukhona ihlelo noma yiliphi elinye iqembu lamakholwa, elalananoma yini engcono kunoma sinakho lapha, bazalwane, bengiyofuna ukuphuma kulomzimba omncane nakho ngokukhulu ukushesha. Ngilindile, bengilangazelela, bengikade ngingaphansi kokulindela futhi ngakholwa ukuthi othize omkhulu wayezoza ngeliny'ilanga, noma mhlawumbe umprofethi omkhulu engikhulumile ukuthi uzofika, ka-Elisha. Bengihlala njalo ngikholwa futhi ngicabanga, mhlawumbe, ukuthi mhlawumbe ngizophila ukuba ngibone usuku lapho engingaguquka khona, lapho engingabona lowomuntu ephakama enkundleni, khona-ke bengingathatha ibandla lami elincane futhi ngithi, "Bazalwane, *lena* yindoda ebesikade siyifuna. *Le* ndoda, yiyo." Bengikubhekile lokho.

Futhi uma ngempela lokho sekwenzekile, khona-ke ngifuna ukusho, ngokusuka phezulu *lapha*, "Bazalwane, *lona* nguYe," evela *lapha*, niyabo. Futhi ngi-ngifuna ukubona ibandla ligcinwe kanjalo.

³⁶ Ngingahle ukuba nguye nganyathela kokuthile, noma ngenze okuthile, futhi ngibeke okuningi kwempilo kuleyonto. [UMfowethu Branham ulungisa umbhobho—Umhl.]

³⁷ Ngakho-ke manje ngingathanda ukusho lokhu, ukuthi, manje ukuthi leli yibandla eselizinzile.

³⁸ Ake ngime futhi, umzuzwana nje. Ngenkathi ngiya eBombay, ngibala lowo njengomhlangano wami omkhulu kunayo yonke ngenxa yemithelela owawunayo kubantu. Futhi ngi...Uma e-Afrika, bayasho ukuthi abayizinkulungwane ezingamashumi amathathu beza kuKristu ngesikhathi esisodwa, khona-ke kwakukhona abayikhulu namashumi amahlanu, noma izinkulungwane ezingamakhulu amabili ezeza kuKristu ngesikhathi esisodwa, kuleyo ngxenye yesigidi lapho. Niyabo? Yini ebengiyoyenza na? Kwakungekho lutho. Mhlawumpe, mhlawumbe, sithi kwakukhona, sithi nje, kwakukhona izinkulungwane eziyikhulu zabo. Kwakungekho bandla, akukho engangakwenza. Kwakungekho muntu ukubanika. UMLayezo engiwukholwayo, ngi...Kwakungekho ngisho ihlelo lePentecostal elaliyobambisana nami. Futhi yonke leyomiphefumulo mhlawumpe yashushumba yabuyela emuva ngqo yangena kumaSikhs, amaJains, ubuBuda, noma yini enye abavela kuyo. Kungekho ndawo yokubabeka. Manje, lokho yihlazo. Kuyihlazo. Niyabo? Ngoba, anginakubambisana, ngenxa yokuma engikuthathayo. Niyabo?

³⁹ Awu, e-Afrika, ngangena lapho ngaphansi kwalezigameko ezithokozisayo, ze—ze—ze-A.F. yeM. ne-Afrikaans Faith Missions. Futhi lapho sengikwenzile, kusobala, angikwazi ukuvumelana nabo. Bona, babhaphathiza abantu ngombhaphathizo kamthathu, kathathu, ubheke phambili. Futhi omunye wabo ubhaphathiza kathathu, ebheke emuva. Owodwa kankulunkulu oyedwa, uBaba; omunye owomunye unkulunkulu, iNdodana; omunye owomunye unkulunkulu, uMoya oNgcwele; futhi bebhaphathiza izikhathi ezintathu ezehlukene, ngonkulunkulu abehlukene abathathu, nayo yonke into enjalo. Futhi, mhlawumpe, umhlangano waseThekwini, ngingenawo kahle, nabantu bebona ukusakazeka okunjalo phakathi kokukholwa kwePentecostal nokunye nokunye, abantu abazanga ukuthi benzeni. Babengenandawo abangaya kuyo.

⁴⁰ Mhlawumpe, ukuba-ke besibe nemvuselelo lapha, bazalwane na? Ake ngikubeke kanjena. Ukuba-ke besingaqeda ngemvuselelo enkulu, nani bazalwane benisanda kuphenduka nje, futhi bekungekho bandla laloluhlobo ezweni, ndawo; futhi bengikade ngingumvangeli, futhi manje sengiyashiya, ningahle ningaphinde ningibone? Beniyokwenzenjani na? Beniyokuzwa sengathi beningeke nazi ukuthi nenzeni. Angeke nibuyele emuva kulokho kuzibhixa odakeni futhi. Angeke nibuyele emuva ezansi lapho, na—namakhosikazi enu ukuba agqoke izikhindi,

nokwakho...namaphathi amakhadi enu nemidanso, nezinto enjalo, futhi ukuba nike neneliseke futhi.

Nifike ekuPhileni. Niphakame ngaphezu kwaleyonto. Senifike endaweni, esikhundleni sokuthi, “Lesi yisivumokholo sethu,” nithi, “Leli yiZwi likaNkulunkulu.” Futhi nifikile ukuze niphile ngaLokhu, lokho Lokhu okukushoyo. Futhi hhayi lokho...

Futhi niyahamba nehlele lapho futhi nibalalele, futhi nibeze behlela ezansi futhi badlale ibunco umdlalo wokuluthana, futhi babe nomdanso, *nalokhu, lokho, nokunye*, nokuncanyanyana komlayezo okwakungenalutho kuwo, mayelana nemeya ethile noma okuthize, noma owayezophinde akhethwe, noma uhlobo oluthize lodaba lwezombusazwe, futhi kunqunywe ngemizuzu eyishumi noma eyishumi nanhlano; emva kokuba kade nihlezi lapha, usuku nosuku, namajubili amakhulu okudla okuhle eZwi nezinto. Beningeke nazi ukuthi nenzeni.

Nenizoba nokusindwa okukhulu ngakho, kuze kuthi abanye benu malungu nje benizozizwela njengokuqala ibandla, futhi ngiqale ukuLishumayela ngesingani, ngoba inhliziyo yenu ibizovuthela iZwi likaNkulunkulu, benizopatheka kabi ngabantu abazizwele ngendlela efanayo enenze ngayo. Manje, akunjalo na? [Abazalwane bathi, “Amen.”—Umhl.]

⁴¹ Nakuba nazi ukuthi uJesu wayezofika, nicabange ukuthi Wayezofika kusasa, nokho beningafuna ukwenza okuthile namuhla kwalabobantu aba, abayizakhamizi ezingabafo boMbuso kaNkulunkulu, ukuhlangana ndawonye. Nifuna inhlanganyelo kanye nabo. Kunjalo. Ngakho-ke uma kungalendlela...

⁴² Manje, ngiyakholwa ngenhliziyo yami yonke ukuthi iNkosi ingisizile futhi ingisebenzisile ukuhola imvuselelo enkulu, enye yezinkulu kunazo zonke ezake zashaya umhlaba kusukela ezinsukwini zasekuqaleni, emhlabeni jikelele. Siyakwazi lokho. Kunjalo. Konke kwakungasekho ngalesosikhathi, futhi—futhi Wahlangana nami ezansi lapho emfuleni futhi wangitshela ukuthi uMlayezo enganginawo wawuzokwandulela ukuFika kwesibili kukaKristu. Futhi ngicabanga ukuthi akukho muntu lapha kulobubusuku owayesezansi lapho ngalolosuku. Lokho sekube cishe iminyaka engamashumi amathathu nambili eyedlule, ngenkathi lokho kuKhanya kubonakele; futhi ngimile lapho, mina ngibuka Kukho ngqo. Amakhulu abantu emile, eKubuka. Kwehla ngqo, futhi leloPhimbo lakhuluma.

⁴³ Eminyakeni kamuva, kuyamangaza ukuthi ikhamera ithatha isithombe esifanayo, kubukeka kuyinto efanayo khona impela enganitshela khona, ezansi emfuleni. Manje, ngingahle ngibe nephutha ezintweni eziningi, bazalwane, kodwa angifuni ukuba

ngumzenzisi. Ngifuna ukwethembeka futhi ngiqonde ngqo ngani.

⁴⁴ Bese kuthi-ke, enye into, ukube bengihambile, ini na? Besi—besingeke sakhe isonto lapha elinjalo. Kunzima ukusho ukuthi besizoba nani, niyabo, ukuba nje bengiqhubekile. Kodwa uNkulunkulu waseZulwini wakubeka phezu kwenhliziyo yami ukwakha lelisonto lapha. Futhi khona-ke ngenkathi Engibizela ekuvangeleni... Sasibe nomelusi emva komelusi, kanjalonjalo, kodwa manje sino—nomfowethu oyigugu lapha ongowokuKholwa, okholwa uMlayezo. Sinabanye abafowethu phandle lapha okholwa nguMlayezo. Ukuba...

⁴⁵ Ngabe sengimemeza kakhulu, Mfowethu Beeler na? [UMfowethu Beeler uthi, “Kancanyana.”—Umhl.] Kulungile, ake sibone. [“Qhabo. Qhubeka.”] Ya. Kube...

Sine—sinempahla.

⁴⁶ Futhi manje wena uthi, “Awu, Mfowethu Branham, uma bengeke bazizwa lezizibonakaliso nezimangaliso zikaNkulunkulu omkhulu waseZulwini, sizokwenza kanjani na?” Awu, manje, ukuba-ke uPawulu oNgcwele wayebe nalowo mbono ofanayo na? Niyabo? Ini? Kodwa akabanga nawo. Labo babhishobhi bahlala bethembekile nje eMlayezweni! Futhi bona... Futhi uPawulu, selokhu kaningi kakhulu, emva kokwenza umzungulezo wakhe... Nilifundile iBhayibheli, ukuthi wavakasha kanjani emuva nalamabandla, wakhuluma nabelusi, kanye nababhishobhi, kanjalonjalo, futhi wathatha ukukhululeka kubantu, futhi—futhi babene, o, isikhathi esikhulu nje senhlanganyelo, njengemvuselelo noma isikhathi esikhulu sejubili. Futhi uMoya oNgcwele ubuyowela kubo, nemilayezo ibiyofika.

⁴⁷ Bukani ngenkathi ehlela lapho kuFiliphu, ngisho amadodakazi akhe aprofetha. Futhi wathi, “Kukhona amaketanga nejele okulindele u—umfowethu uma ekhuphukela lapho.” Akangaphezu nje kokuphumela egcekeni, futhi nakhu kuza u—Agabu, umprofethi, ehamba ehla, wabuka ngaphesheya komgwaqo. Futhi wayengakaze ambone uPawulu phambilini, umbonisi owujenene, leliqembu lonke lamabandla kuyo yonke i-Ashiya. Futhi wahamba waya phezulu lapho futhi wadonsa intambo yasuka ohlangothini lwakhe, wayenengubo yakhe iboshelwe ngayo, wabopha izandla zakhe futhi wathi, “ISHO KANJE INKOSI, amaketanga namajele kulindle lowo ogqoke lokhu phezulu lapho.” Niyabo? Eprofetha.

⁴⁸ UPawulu wathi, “Ngiyakwazi. Ngiyakwazi. Kodwa ungayephuli inhliziyo yami manje. Mangiqede ibanga lami.” Wayekhathele. Wayesephelele. Futhi wayeqhubeka futhi eshiya isikhundla sakhe sobubhishobhi noThimothewu.

49 Manje sizofanele sicabange ngabantu abasesha. Sinabantwana. Iningi lethu bantu lapha, amadoda aganiwe, unabantwana. Awu, kuthiwani ngalabo abezayo na? Niyabo?

50 Njengoba ngangijwayele ukukhahlela phezulu, ezansi lapho, ngabo bephosa lawomanethi emfuleni, bedonsa lezozinhlanzi amapheshi; neziphuzo, izidakwa nezinto. Ngibabonile benqwabelene phezulu njengalosilingi lapha, ezinkulu, izinhlazi amapheshi zilele lapho. Iphunga elibi laliba yonke indawo emfuleni. Ngehla, njengomqaphi wezinyamazane, ukubayekisa. Ngathola incwadi, “Bayeke. Uzokwenzani na? KungokwaseKentucky.” Manje, umqaphi waseKentucky angeke eze ngapha, ngoba ungaphandle kwesifunda sakhe. Umqaphi wase-Indiana akanalutho angakusho lapho, ngoba amanzi angawaseKentucky. Nakho lapho okhona. Akukho okungenziwa.

51 Ngathi, “Nginomfana ozayo, obengathanda ukudoba. Ngani, bazo beka isithombe sakhe ephepheni uma ebamba inhlanzi ishambu, eminyakeni engamashumi amabili ukusuka manje; yekela lokho kuqhubeka kanjalo, lawo manetha, izicupho, nakho konke okunye.” Futhi sekungokuzenzekelayo kanjalo khona manje. Niyabo? Yini indaba na? Ufanele ucabange ngalezi ezizayo.

52 Ngakho-ke sifanele sicabange ngabanye abezayo ngemuva kwethu, lababantu abasesha, kanjalo kanjalo, nendawo yabantwana bethu. Amadodakazi ethu, asiwafuni ngaphandle ezweni, kulezizinto enjalo. Sifuna lawo mantombazane akhuliswe njengonina. Futhi sifanele senze amalungiselelo alokho. Futhi uma lingekho ikusasa, asikwazi lokho. Uma lingekho ikusasa, asenzanga lutho kodwa kade sisemsebenzini weNkosi futhi siye satholakala endaweni yethu yokugada lapho Efika. Niyabo?

53 Ngakho-ke, ngizophakamisa lokhu. Ngikwenzile, kuMfowethu Neville. Asikuqhuba lokhu njengoba sinakho. Asiyeke nje ngendlela okungayo.

Ngiyajabula ngalaba befundisi abasebasha. Niyabo, empeleni, ngoSuku lokwaHlulela, ngalezizigodi zonke yonke indawo lapha, angeke kube nezaba, ngoba sinamabandla amancane amisiwe yonke indawo, izindawo ezithe qekelele, izindawo zokulalela, ezilindle.

54 Izolo ebusuku bengisebandleni lomfowethu, futhi ngabuza uma bonke phakathi lapho baqiniswa ngemuva kweZwi. Futhi zonke izandla zaphakama. Manje, lokho kungenze ngazizwa ngikahle. Niyabo?

55 Manje, ebengingakucabanga, bekungaba yilokhu, bazalwane, lokho njengasebandleni lapha manje. Ngi...i... Inkonzo yami inakho, ukucabanga kwami okukwedlula konke, izinto ezine ezingenziwa. Futhi kungahle kungabi noma ezine,

kodwa yilokho kuphela ukubheka engingacabanga ngakho; uma lowo Owakhuluma nami ezansi lapho emfuleni, uma lokhu kuyikho kuphela okwakusalele ibandla labeZizwe.

Okungukuthi, siyaqonda, eSambulweni, yizahluko nje sokuqala, sesibili, sesithathu seBandla. IBandla liyakhuphuka, esahlukweni 4. Alisabuyi nhlobo kuze kube isahluko 19, lokho kungemuva kweSikhathi sokuHluphela lapho uNkulunkulu ebiza amaJuda. Kunjalo.

⁵⁶ Futhi njengo-Enoke, wenyuka ngaphambi kokuba ithonsi elilodwa lemvula like lize lishaye umhlaba. Wayesehambile, khona-ke inhlupheko yenzeka. Niyabo? UNowa wayesemkhunjini ngaphambi kokuba noma iyiphi inhlupheko iqale. ULoti wayesephumile eSodoma ngaphambi kokuba noma iyiphi inhlupheko iqale. Niyabo? Futhi iBandla liyobe selihambile ngaphambi kwanoma yisiphi iSikhathi sokuHlupheka.

⁵⁷ Manje, ngesikhathi sokuHlupheka, lokho kuzoba: intombi eleleyo iyozingelwa phansi ngudrago, futhi wakhwifa *amanzi* emlonyeni wakhe, okuchaza, “izixuku nabantu,” amabutho azofuna phansi futhi athathe lona wesifazane, insali yenzalo yakhe, futhi azombulala. Manje, lokho kuzoba seSikhathini sokuHlupheka.

Kodwa iBandla lizoya eKhaya. Manje, uma—uma lokho kuthatha, bekungenzeka kusasa, bekungeke kusivimbe ekuqhubekeni namhlanje. Asenze inamuhla lisebenze.

⁵⁸ Manje, engikucabangayo, ezansi lapho, uma leyoNgelosi eyasho lawomaZwi kimi, yathi, “Njengoba uJohane uMbhaphathizi wathunyelwa ukwandulela ukuFika kokuqala kukaKristu,” niyabo, “uMlayezo wakho . . .” ngangizothatha lo Myalezo, futhi “Uyokwandulela ukuFika kwesibili kukaKristu.” Awu, uma Lokhu bekuYikho, khona-ke ngempela, sisondele ngempela, bazalwane, ngoba ihora nokuKhanya koMlayezo sekuthi nje akuphume.

⁵⁹ Naqaphela ngenkathi iPentekoste seliwile, futhi labo bafowethu babegwalisiwe ePentekoste, ngoMoya oNgcwele na? Kwakungenzima noma ngasiphi isikhathi kwaze kwathi uMlayezo wawusiqale ukufiphala phansi, futhi baqala ukumisa amabandla ukubamba inqaba, ngenxa kaKristu, belindele Yena ukuthi afike. Awu, yinto efanayo eyenzekayo namhlanje, uma umBhalo uqinisile, “Ngizobuyisela, isho iNkosi, konke lokho isibotho nenkumbi okukudlile.” Manje, uma lokho kuyikho, uma lowo kunguMlayezo, futhi, uNkulunkulu angithethelele, anga—angazi. Uma lokho kuyikho-ke, khona-ke isikhathi sesiseduze, ngempela, ngoba uMlayezo usuphelile.

⁶⁰ Futhi ngobunye ubusuku, ngangiphupha ukuthi ngahamba ngaba nokubona okufihlakele lapho isixuku esikhulu sabangani bami sasihlangene, izinkulungwane zabo emhlanganweni.

Kwakukhona umfo ofikayo, wangithola. Futhi uBilly ngokuvamisile uyafika, wangithola, ngoba awukhulumi nami. Futhi le ndoda nje yakhuluma ngokungenamkhawuko. Futhi ngaphambi kokuba ngifike ngapho, lonke ugcobo lwalungasekho kimi, ngenxa yakho. Futhi ngakho-ke ngathi, “Awu, ngizovele ngiye ngalapho futhi—futhi ngishumayele uMlayezo, wokutshela labobantu, ‘Ungazilulazi ngalawo mahlelo,’ nokunye nokunye, futhi, ‘Phumani, *kanjena*.’” Futhi lapho ngifika emsamo, lokho kwase kungishiyile.

⁶¹ Angazi ukuthi kwakusho ukuthini, kodwa mina, ngiqhubeka nje. Angazi nje. Kungahle kube ukuphela kwendlela yami. Kungahle kube ukuFika kweNkosi. Kungahle kube ukuguquka kosuku. Kungahle kube ukufika kwalowo onamandla, uma ezoba khona munye ngaphandle kwalowo osevele efikile. Kungahle kube yilokho. Zonke lezozinto, besizofanele sidonse kukho, bekuyobanjalo. Futhi njengoba ngimile lapha kulobubusuku, phambi kukaNkulunkulu nani bazalwane: angazi. Angeke nginitshela. Uma ngikwenzile, bengizonitshela, noma bengingeke ngikusho, ngilethe noma yini enjengale. Uma bengingazi ukuthi iyiphi indlela...Uma ngazi ukuthi iyiphi indlela into ebihambe ngayo, bengi—bengizokusho, kodwa angazi. Angeke ngisho. Ngiyaqhubeka khona manje emihlanganweni ngaphandle kwechashaza elilodwa lokuhola. Ngiyahamba ngoba angifuni ukuhlala phezulu lapho. Ngi—ngi—ngiyathanda ukuphuma ngiye emahlathini njenganoma ubani. Uma nginephutha kulokhu, Nkulunkulu ngithethelele.

⁶² Kunezinto ezintathu ebezingenzeka kimi. Kuphakathi kokuthi ukuphela kwendlela yami, futhi makuthi lona omunye eze; sengimvulele umgwaqo ukuba angamele, ngoba, khumbulani, lowo ozayo ukuzoshumayela, uzoba seZwini, “Ukubuyisela ukuKholwa kwabantwana kubuyele koyise.” Kungahle kube ukuphela kwendlela yami. Kungahle kube ukuthi Yena uguqula inkonzo yami ibuyele ekuvangeleni, kwangaphesheya kwezilwandle. Noma, kungaba ukuthi Angeke aphinde neze angibizele ukuba ngibe umvangeli, futhi Yena ungiyisa ehlane ndawo ndawo, ukuyongigcoba, ukungithumela phambili njengalowo othenjisiwe ozofika, ngiyacabanga. Bekungaba yinoma yini yalezozinto.

⁶³ Angeke ngiqhubeke ngendlela ebengihamba ngayo. Ngoba ngi...Abantu ungikholiwe. Ngi—ngifanele ngikusho lokhu. Ngikusho phambi kwabantu. Abantu, izikhathi eziningi, bangithatha ngokuthi ngingumprofethi. Angizithathi kanjalo. Qhabo, mnumzane. Angizithathi. Ngine...angikusho lokho ukuba ngithobeke. Ngisho lokho ukuze ngibe neqiniso. Angizithathi ngokuthi ngingumprofethi weNkosi. Angi—nginayo leyonhlonipho.

⁶⁴ Ngiyakholwa ukuthi iNkosi ingisebenzisile, ezintweni ezikhethekile ezincane, ukusiza mhlawumbe kubekwe isisekelo

somprofethi ozofika. Kodwa umprofethi akasebenzi ngendlela engisebenza ngayo. Manje, niyakwazi lokho. Umprofethi akasuye umvangeli, futhi umvangeli akasuye umprofethi. Umelusi akasuye umvangeli, nomvangeli akusuye umelusi. “Kodwa uNkulunkulu umisile eBandleni, kuqala abaphostoli, bese-ke kuba ngabaprofethi, bese-ke kuba abafundisi, bese-ke kuba abelusi,” nokunye nokunye. UNkulunkulu ubabekile eBandleni, futhi uNkulunkulu ubanike isikhundla.

⁶⁵ Kodwa, ukusa lapho engabeka khona lelotshe legumbi! Ngoba, manje, uma ungowomoya, uyakuthola. Ngenxa yokukhala kwabantu! Uma ungakubhoboza lokho, noma uthathe incwadi futhi uyifunde, ithe, “Yenza umsebenzi womvangeli.” Akangibizelanga ukuba umvangeli, kodwa wathi, “Yenza umsebenzi womvangeli, ngoba isikhathi siyakufika lapho bengayikuhlala isikhathi eside esiFundisweni esiqotho, kepha bayakuzibuthela ndawonye, abafundisi, benokubatshwa kwezindlebe, futhi bayakufulathela iQiniso baye ezinganekwaneni.” Niyabo? Wacaphuna lowo mBhalo futhi wangitshela ukuthi ngizoWuthola kuphi. Kwashiwo kathathu. Futhi ngineBhayibheli futhi ngavula lapho Angitshela khona, futhi nakho la kwakukhona. Futhi khona-ke niyazi mayelana namabhakede amabili, ePentecostal Oneness nePentecostal Assemblies. Angikaze ngiweqe. Ngatshala izihlahla zabo uqobo khona khona lapho ayekhona, ngoba ngicabanga ukuthi bobabili banephutha. Kodwa, kukho, ngangisempambanweni, ekuvuneni.

⁶⁶ UNkulunkulu uhlonipha noma ngubani oqotho. UPetru washo lokho. Wabona ukuthi uNkulunkulu wayengabheki buso-bamuntu, zonke izizwe zibiza, lapho kuleyondlu kaKorneliyu, ngenkathi bemukele uMoya oNgcwele njengoba benza ekuqaleni. Niyabo? UNkulunkulu akabheki buso-bamuntu. Sibona umuntu ngokujulile nangobuqotho, angahle abeqotho ngokuyiphutha. Kodwa uma eqotho, uNkulunkulu uzomholela ekuKhanyeni, ndawo ndawo. Uzoza kuLo, ngoba uNkulunkulu ubophezelekile ukwenza lokho.

⁶⁷ Futhi sicabanga ngokuFika kweNkosi, ngokuba yinto e-enkulu; noMlayezo, akungengaphezu kokuthi Uhambile. Khumbulani, kukhona iqembu elimiselwe ngaphambili ukuba libe lapha ngenkathi iNkosi ibuya, futhi kungahle kungabi ngaphezu kwedazini. Niyabo? Asazi. Kungahle kube yikhulu lesigidi; kungahle kube izinkulungwane eziyishumi. Kodwa uma... Abamiselwe ngaphambili bazozwa uMlayezo futhi baWukholwe, uma KunguMlayezo othunyelwe nguNkulunkulu, esikholwa ukuthi yiWo.

⁶⁸ Manje, nakhu lapha sikhona, khona-ke, khona phezulu lapha kuze kube sekupheleni kwesikhathi. Lapho, uma uNkulunkulu engibizile... Manje, lalelani, lokhu akufanele kuphindwe. Uma Engibizile ukuba ngibe ngumprofethi

waKhe, khona-ke impela kungesikho ukubamba isikhundla soyedwa. Abaprofethi abavangeli. Umprofethi uzifihla ehlane, yedwa, noNkulunkulu, aze athole ncamashi, khona ngqo uNkulunkulu afuna akwenze. Futhi ugxoba ngqo futhi anikeze uMlayezo wakhe, futhi abuyele ayongena ehlane futhi. Akasuye umvangeli, ebamba imihlangano, futhi ethola ukubambisana, nazo zonke lezizinto njengoba abavangeli benza. Akafundisi njengabavangeli. Yena uno ISHO KANJE INKOSI, futhi yilokho, futhi yilokho kuphela. Uyakunikeza, akujukujele ngaphandle, bese ekuvumela kwenzeke ngaphandle kokuzama ukukushintsha, bese eyaphinda eyahamba futhi. Akekho owaziyo ukuthi ukuphi. Usekuhlalisweni ngayedwa, ndawo ndawo.

⁶⁹ Manje, angeke, noma uma Engibizele ukuba ngibe yilokho, angeke ngibe ngumvangeli. Futhi uma Engibizele ukuba ngibe ngumvangeli, angeke ngibe ngumprofethi. Manje, niyakuthola engikufondile na? Angazi ukuthi ngenzeni. Ngikwenzile, ngenhlonipho, ngenkathi Engitshela, kuqala, ngami ngibamba isandla sabantu futhi ngibakhulekela, khona-ke ngazi imfihlo yenhliziyayo yabo, zonke lezizinto ezehlukene. Futhi, bazalwane, lokho akunakuphosisa. Niyazi ukuthi lokho kuzofanele kube yiQiniso. Ngamunye wenu niyakwazi lokho. Niyabo?

Nokuthi Wangitshela kanjani ukuthi Kuzoqhuma kusakazeke ezweni lonke, futhi Kukwenzile nje ncamashi! Sonke isizwe esingaphansi kwamazulu siKuzwile, yonke indawo, amaphephandaba, iziqophi zamateyipu, yonke indawo. Angazi ukuthi Kukwenze kanjani. Kodwa, kulo lonke izwe, izincwadi amaletsha zingena, nabantu abasuka le ezansi eThailand, namaLawu emuva phakathi lapho. Ukuthi lezozithunywa zenkolo beziqhwabelane kanjani emuva lapho nalawo mateyipu, futhi enikeza lokho kuhunyushwa kweZwi. Futhi manje siyezwa okubela ezweni lonke, niyabo, emhlabeni jikelele. Manje, bona, iBandla, limiselwe ngaphambili umhlaba wonke, yonke indawo. “Bebabili embhedeni; bebabili ensimini,” niyabo, thatha oyedwa bese ushiya oyedwa.

⁷⁰ Manje, njengoba ngiweziwe umsebenzi womvangeli. Futhi nasi isicelo sami. Uma lokho kuthokozisa kuNkulunkulu, futhi ngiweziwe kahle umsebenzi, ngethamba ukuthi ngiMthokozisile, ngicela ukuthethelelwa ngawo onke amaphutha ami, khona-ke Angahle angibize ngiphume ensimini yokuvangela, ukuba ngibe ngumprofethi waKhe. Khona-ke uma kunjalo, ngizokushiya ukuvangela. Kodwa uma Engibiza ukuba ngibe ngumprofethi, angeke ngibe umvangeli. Uma ngizoba ngumvangeli, angeke ngibe umprofethi.

Ngixubanisa izikhundla ezimbili. Yilapho ebengihlala ngiqophisana ngakho. Ngimile emsamo, akukaze kube kuhle, kuphumelele. UNkulunkulu ukusebenzisile, kodwa angikaze ngicabange ukuthi kwakuyintando yaKhe eqondile.

Bekuyintando yaKhe evumelayo. Ngime emsamo, umbono noma emibili izokushaya ikukhiphe, cische impela. Niyabo? Bese kuthi-ke uma utshela lomuntu ukuthi aziqondise thi thwi kanjani, nokuthi enzeni; bese kuthi-ke umuntu olandelayo umi lapho, ulindele into efanayo. Futhi angeke umtshale, ngaphandle iNto ethile ikutshela ukuthi mtshale. Bese kuthi-ke abanye abantu bezwe sengathi uyimbuka, noma umhlubuki, noma—noma idemoni noma okuthize, ngoba awubatshele lokho abafuna ukukwazi. Uyabona, leso akusiso isikhundla, indlela umprofethi asebenza ngayo.

⁷¹ Umprofethi uhlala emuva *lapha* aze agxobe ngqo esibhedlela, noma ngabe kuphi lapho eyakhona, no ISHO KANJE INKOSI, futhi akusho, futhi aphinde agxobe emuva futhi. Akasiyena umvangeli, nhlobo. Akayibambi imihlangano futhi axoxe ngezinto. UneZwi leNkosi lanoma ngubani athunyelwe kuye.

⁷² Uma ethunyelwe eWhite House, ugxoba angene ngaphambili eWhite House, athi, “ISHO KANJE INKOSI.” Uma kungumbusi wesifundazwe, noma ngabe ngubani, ngu ISHO KANJE INKOSI. Akazilulazi azungeze neqemba lamabandla, ezama ukubathola bangene futhi bathathe iZwi, futhi bashumayeze lezizinto njengabavangeli. Akasiyena umvangeli.

⁷³ Ngakho-ke, niyabo, bazalwane, yingalesosizathu ngingazibizi ngomprofethi. Angikho ngisho nasesikhundleni soyedwa. Niyabo? Manje niyakuqonda engikuchazayo na?

Manje, kuzoba nokuningi okuqhubekayo kanjalo isikhathi eside, kodwa ngiyethemba angizukuthatha isikhathi senu esiningi kakhulu, ngize ngithole okuncanyana kwaleliZwi engifuna ukulifunda kulobubusuku.

⁷⁴ Manje, nakhu engikwenzayo. Angikaze ngizwe ukuthi ngifanele ngihlale e-Indiana. Ngingo—ngingo—ngondindayo. Angi...Ngizoya endaweni eyodwa, ngiyacabanga, “Ngizoya *ngapha*, ngizozinza lapha. Yilokho-ke.” Angeke ngikwenze. Uma ngiya kwenye indawo, ngiyacabanga, “Ngizoya *ngapha*.” Uma ngikwenza...

Umkami ungibiza...Yiliphi leloculo abacula ngalo na? *Imimoya Engaphumuli*. Nikuzwile, ngiqagele. Iningi lenu nonke nibezwa becula. Awu, yilokho angibiza ngakho, “Imimoya engaphumuli.”

Cische ngesikhathi engifika ngaso lapha, ngiyacabanga, “Mfana, ngizofanele ngifike ekhaya nje. Ngizofanele ngibone umkami nazingane. Ngizofanele ngiye esontweni kanye futhi futhi ngishumayele.” Ngifika lapho, futhi ngehle futhi ngishumayele kanye. Ngange umkami futhi ngigone zonke izingane. Ngiphumele egcekeni ngisike utshani, nendiza yedlula ngaphezulu. Ngime, ngisule umjuluko ebusweni bami, futhi ngifuna ukuhamba ngayo. Kwenye indawo ethize ngizofanele

ngihambe. Awu, ngicabanga ukuthi ngizofanele ngehlele *lapho*. Futhi ngi—ngiyahamba ngehlele lapho, futhi ngishumayele lapho isikhashana. Ngicalaze, nakho kwedlula enye ngaphezulu. Ngizofanele ngihambe ngayo. Niyabo, anginandawo yokuzinza. Angeke nje ngikwenze. Ngiyayaluza, ngiyagudluka, endaweni kuye endaweni, into ethize. Angikwazi ukukubamba. Kuyinto ethize kimi. Futhi ngiyazi ukuthi ngifanele ngikwenze.

⁷⁵ Manje, ebandleni, lisesimweni salo samanje, ngizwa kwesabeka ukuhamba ngisuke lapha. Futhi, ngicabange, ngani nonke bantu nihlezi lapha, ngiyakholwa ukuthi ngiyochitha iPhakade nani, ngale eNkazimulweni. Sinabantu abakahle, impahla ekahle, abaqinile, abantu abaphelele. Maduzane nje kube nemvuselelo equbukayo ebandleni lapha phakathi kwabantu. UMoya ufika phakathi kwabo, uqala ukunikeza iziphlo. Ngikubhekile, ukubona ukuthi ngabe akuhambi yini kungene ekushisekeleni okweqile. Njalo lapho kuqala ukuhamba ngaleyondlela, uMoya wawukuhlola bese ukubuyisa *lapha*. Ngacabanga, “Mayidunyiswe iNkosi.” Niyabo? Uvele ubambe indawo yakho lapho. Lokho kulungile. Niyabo?

⁷⁶ Manje, lokho imicabango yami eyikho, yilokhu, uma kungenzeka ukuthi, lapho ngicala ukuya endaweni ethile... angazi ukuthi ngiyaphi. Kodwa angeke ngihlale ngithule. Angizukuhlala lapha. Angeke nje ngikwenze. Ngifanele ngihambe ngiye endaweni ethile. Futhi mhlawumbe angeke ngihlale lapho kodwa izinsuku ezimbalwa, ngihamba ngiye kwenye indawo. Ngifanele ngiye ndawana thile. Angazi ukuthi ngiyaphi. Kanjalo no-Abrahama wayengazi lapho ayeya khona. Wavele nje wawela umfula futhi waqala wahamba. Yilokho kuphela.

⁷⁷ Ngizwa ukuthi lokho ebesifanele sikwenze lapha, kulesisikhathi samanje, ngiyakholwa ukuthi sidinga indlu yokukhonzela. Ngicabanga—ngicabanga ukuthi indlu kaNkulunkulu... Wena uthi, “Awu, ini, ukufaka yonke leyo mali kuyo uma iNkosi izofika na?” Awu, kuzosiza ngani ukugcina imali uma iNkosi ifika na? Niyabo? Futhi uma abantu bebiza imali yokwakha indlu yokukhonzela, kungumsebenzi wethu, ngevoti lamaphesenti ayikhulu lapha, ukuthi ngithathe lobobusuku, ukwakha ibandla. Ngakho-ke, ukulakha. Ngingathi, “Lakheni. Yebo, mnumzane.”

⁷⁸ Angikaze ngikuzwakalise lokhu phambilini, kodwa ngifuna ukukwenza phambi kwenu bantu. Bengingabafuni abesifazane lapha, ngoba omunye uncika ngalendlela, nangaleyondlela. Manje ngiyazama, ukunitshela isizathu ukuthi ngifune ukukwenza. Ngiyacabanga, uma iNkosi iza ngeviki elizayo, asiqale indlu yokukhonzela kuleliviki. Impela. AsiYikhombise. Asime endaweni yethu yokugada. Yebo, mnumzane. Bese kuthi uma si... uma indlu yokukhonela seyakhiwe yaphela.

⁷⁹ Ngani na? Sithi uma E...Kungathiwani uma Eqhele ngeminyaka eyishumi kusukela manje na? Kungathiwani uma Eyiminyaka engamashumi amabili na? Noma kungathiwani uma Eyiminyaka eyikhulu na? Noma ngabe kuyini, uma Efika, lokho akunandaba. Siyazi uzobe Ezela thina ngaphambi kwalesosikhathi, ngoba angeke sihlale ngaphandle, iminyaka eyikhulu ngaphezulu. Uzobe ezele thina, kodwa sizofanele sishiye ukwahlukana emuva kwethu. Futhi ngikucabangile lokhu. Kungani singavumeli-ke isigungu sebandla lapha, sikhulume nabo manje, bakhe leyondlu yokukhonzela na? Bayibeke phezulu lapha. Bayakhe kahle, nendawo enhle lapho abantu bengeza khona.

⁸⁰ Ngiyaphakamisa, uMfowethu Neville abe ngumelusi webandla, inqobo nje uma ibandla limphakamisa ukuba abe ngumelusi. Lelo yivoti lebandla. Inqobo nje uma ebambe indawo yokugada futhi ehlala nokuKholwa, efuna ukuza, ezwa ukuhola kweNkosi, khona-ke ukuhola kweNkosi ngaye ukuba ahlale, uma ibandla limvota ngokufanayo.

⁸¹ Khona-ke bengingathi, ngayinye yalamadoda lapha, lawa amanye amadoda, njengoMfowethu Crase, noMfowethu Junior, bonke, inqobo nje uma bezwa umsebenzi wabo kulowo msebenzi, futhi bahlangene lapha ndawonye. Angeke wehle futhi uhlangane neMethodisti. Awunanhlanganyelo nabo. AmaBaptisti, uyahamba, ukhuluma ngokukhuluma ngezilimi, nombhaphathizo eGameni likaJesu, bayakukhahlela bakukhiphe, *ngalokho* kushesha. [Mfowethu Branham ushaya umunwe wakhe—Umhl.] Kunjalo. Uhlala ngalapho, ubungafana ne—nejuba phakathi kwesixuku samagwababa. Ubungeke ube nenhlanganyelo, nhlobo. Ungafa. Angihlekisi ngamaMethodisti namaBaptisti, manje. Kukhumbuleni lokho. Angisho lokho. Ngidweba nje ukuqhathanisa. Lapho, abaningi, lawo maMethodisti namaBaptisti angabantu abakahle, abantu abamesabayo uNkulunkulu. Kodwa ngikhuluma ngenhlanganyelo.

Nangu uMfowethu ngubani igama lakhe, emuva lapho kulobubusuku, u—umvangeli ohlezi emuva lapho, uMfowethu J. T. Parnell. UMfowethu Beeler. Ngiyakholwa, lomfowethu ohlezi lapha. Abanye be...Iningi lenu lapha ningamadoda kaNkulunkulu, ubizo empilweni yenu. Ningabe nenza okuthize. Ningahlali nje nizungeze. Asenze okuthize. Awutholi kodwa umphefumulo owodwa usindiswe, thola lowo owodwa usindiswe. Ngamunye wethu.

⁸² Manje, ngiyacabanga, lelibandla, uma nina madoda beningakwenza, uma nakha lelisonto, lenzeni leli njengekomkhulu lenu, nanjengoMfowethu Neville lapha engofana nelungu elidala phakathi kwenu. Niyabo? Futhi kwezinye izikhathi uthola umbuzo ongeke ukwazi ukuwuxoxisana nebandla lakho phandle lapho, khona-ke

uletheni lapha kuMfowethu Neville, futhi nonke uxoxeni ndawonye. Uma ningeke nifike kunoma yisiphi isinqumo, ngizobe sengiza, ngokushesha, khona-ke sonke sizohlangana ndawonye ngakho.

⁸³ Bese—bese kuthi-ke, phakathi lapho, nithola ukuqeqeshwa emaqenjini enu uqobo, abanye abefundisi, amadoda enibonayo ukuthi anobizo empilweni yawo, ngenkonzo. Ziqeqesheni lezozinsizwa. Ziletheni lapha elungeni. Hlalani nonke ndawonye emhlanganweni wobufundisi, futhi lapho nifundise izinto ezijulile zikaNkulunkulu. Ningaqhubekeli esiphethweni esibi. Gcinani umuntu othize eningamethemba, ukuba uhlobo olufana no—nomhlozi wenu. Bese kuthi-ke, ngezinye izikhathi, uma ningakuboni nje ncamashi ngendlela enza ngayo, ehamba, kulungile. UsekuKholweni, empeleni. Qhubekani nje. Mhlawumbe uma sihlangana ndawonye, khona-ke, sonke ndawonye, sizokhuleka; ukubona okufihlakele kukaNkulunkulu kuyehla, futhi Uzokunikeza impela nje lokho okuyikho, niyabo, futhi masazi nje ukuthi kwenziwa kanjani.

⁸⁴ Futhi phakathi lapho, amabandla angahamba ayozwa, futhi aqeqeshe iqembu lamadoda. Futhi uma ngisemsebenzini wokuvangela kwenye indawo, kunezindawo engingazibeka kuyo, emhlabeni wonke.

⁸⁵ Bekungathiwani ukuba bengiseNdiya, ngibuyele emuva eNdiya na? Lapho ngingasho kulababantu, mhlawumbe, ngingaba nezinkulungwane zabo. Ngihlale lapho iviki noma amabili, futhi babona inkonzo. Bayayithanda. Bayakholwa ukuthi yiQiniso. Baphuma ebuhedeni. Lapho ngine...futhi mhlawumbe kwamabili noma amaviki amathathu.

Ngenkathi ngangingapho, ubusuku obubili, futhi mhlawumbe izinkulungwane eziyikhulu zaphendukela kuKristu; kungekho lapho ezazingaya khona. Ngosuku olulandelayo, ngathatha indiza futhi ngaqala ngabuyela emuva eRoma, ngase-ke ngiya e-United States. Ngabashiya njengezimvu zibekwe phakathi kwezimpisi.

Ukuba-ke ngangineqembu lamadoda, izinsizwa eziqeqeshiwe eMlayezweni, niyabo, ukuthi, “Manje, awume kancane. Ngaphambi kokuba ngihambe lapha, sizobeka ngenqubo labamandla. Ngizoba nendoda. Sengivele ngibathumelele itelegramu. Bayitholile imali. Basendleleni yabo lapha, khona manje, ukwengamela lokhu; indoda elungile. Kukhona izinsizwa ezimbili noma ezintathu kanye naye, ezizoba abasizi bakhe nabalekeleli”?

⁸⁶ Futhi ibandla lalokhu kuKholwa lingabekwa lapho, elizoba ibutho eliqaphile eNdiya, ibutho eliqaphile eJalimane, ibutho eliqaphile eSwitzerland. Ngani, khona manje, besifanele sibe nawo nxazonke ezizweni lapho ebengikhona. NoMlayezo-ke, kusukela lapho, kuza omunye, kusukela komunye kuza omunye.

Niyabona ukuthi ngiqonde ukuthini na? [Abazalwane bathi, “Amen.”—Umhl.]

⁸⁷ Manje, kusasa ebusuku, noma usuku emva kobusuku bakusasa, nizobona uMattsson-Boze ehlela lapha, ongumngane wami. Nizobona nje ukuthi omncinyane, owaseSweden okhubazekile wenzani phesheya lapho eTanganyika. Wangena lapho. Futhi, manje, uMattsson-Boze yindoda elungile, kodwa akakholwa ukuKholwa esikukholwayo.

⁸⁸ Ngimkhiphe ngaphandle ngqo, futhi ngamthatha futhi ngambophela nje endaweni ethile emBhalweni. Ngithi, “Mattsson, ungumngani wami. Manje awuzukugxuma noma ugijime. Sizoma nje lapha, sibambane ngezandla, njengabafowethu abangamaKristu, futhi sikhulume.” Niyabo?

⁸⁹ Futhi ngibeke uMlayezo ngqo kuye, futhi wavele nje wama lapho. Uthi, “Mfowethu Branham, impela u—uqinisile.”

⁹⁰ Ngathi, “Manje, Mattsson, awukukholwa lokho, noma ubuzoKwemukela.”

⁹¹ “Awu, Mfowethu Branham, ngi—ngiyakholwa ukuthi lokho okushoyo yiQiniso.”

⁹² “Manje-ke kungani ungaKwemukeli na?” Niyabo? NgiKushisa nje ngikwehlisela kuye. Futhi yena—yena, khona-ke, kwathi nje angasuka, usehambile. Niyabo?

⁹³ Kodwa bukani nje ukuthi leyondoda yenzani ezimishini zayo laphaya, indoda eyodwa nje. Isizathu, yayingathumela emuva ngqo eChicago futhi ilande uBurton nabo bonke, ibathumele ngaleya phakathi lapho kanjalo, futhi iqale ukwenza umsebenzi. Kuze, manje manje bayakhuphuka ngamashumini ezinkulungwane, emvuselelo eyodwa encane. Hhayi indoda eneziphiwo, indoda nje enesibindi esanele sokuya lapho futhi iqale.

Yini engenziwa ngaphansi kwaLokhu na? Kungalinganiselwa ezigidini. Impela. Silahlekelwe yilesosikhathi. Yilokho isiphakamiso sami ebesiyoba yiso.

⁹⁴ Manje khumbula, ngokwenza lokhu, uzothola, kungahle kube nezikhathi ukuthi awuyikuvumelana noMfowethu uS’*bani-bani*. Awuyikuvumela ngapha. Futhi khumbula, inqobo nje uma ufika endawaneni, wena uthi, “Awu, ngoba akaLikholwa njengami nje, angeke ngi. . .” khona-ke kukhona okuyiphutha ngawe. Akusilona iphutha ngomunye umfo. Kuyinto ethize eyiphutha ngawe. Lapho, abazalwane abazama ukubamba ndawonye!

⁹⁵ Kukhona into eyodwa, thina boBranham, kunabayisishiyagalolunye bethu, futhi sasilwa njengezinja ezifuywayo. Kodwa, ngemuva kwakho konke, lapho sesiqedile ukulwa, sasisalokhu singoBranham. Oyedwa wayazi ukuthi omunye wayenguBranham. Ngangazi ukuthi wayenguBranham.

Wayazi ukuthi nganginguBranham. Niyabo? Kepha sasilwa. Niyakwenza lokho emndenini wenu, kodwa basalokhu bengabafowenu.

Yileyondlela okungayo. Singehluka, lokho kulungile, kodwa sisalokhu simunye. Simunye kuKristu. Siyawukholwa lo Mlayezo, futhi asihlale naWo.

⁹⁶ Futhi ngicabanga ukuthi yileyonto efanele yenziwe, ukugcina kuqhubeka, kuze kufike uJesu. Futhi yilokho ebengifuna ukukusho ngaleyondlela. Futhi ngiyakholwa uma uzoba nokufana . . .

⁹⁷ Niyabo, ufanele ukhuthazeke ngaLo. Uma ungakhuthazeke, khona-ke kukhona okuyiphutha. Kukhona okuyiphutha. Ufanele, hhayi nje ukuthi, “Awu, ngenyanga edlule ngibe nokukhuthazeka okuhle kakhulu, kodwa angazi.” Niyabo, khona-ke kukhona okuyiphutha ndawo ndawo. Ufanele ube nokukhuthazeka, ngaso sonke isikhathi, niyabo, futhi ulokhu uqhubeka udushuza. Ngudeveli, ezama ukukuthola.

Njengokuthi, ngangihlala ngimthanda njalo umongameli wethu wokugcina, uMnu. Eisenhower. Benginokuncoma okukhulu ngoGeneral Eisenhower. Wathi, “Ngenkathi sasilwa,” wathi, “kunezikhathi eziningi sasicosha igobolondo futhi siliphose esibhanyini, futhi sidonse indlebe kuso, futhi sisiyeke siwe, futhi sasidluthula. Aliphumanga.” Wathi, “Asizinikelanga.” Wathi, “Sasingahle sifake elinye, futhi sadluthula, naso.” Wathi, “Asizange siyeke.” Wathi, “Sasilokhu sidluthula laze laphuma elilodwa.”

⁹⁸ Yilokho-ke. Yileyondlela yokunqoba impi. Qhubeka uzame. Phosa igobolondo phakathi futhi usidonse. Unenhloso, okuhlosiwe ukuba ukushaye. Futhi uma lingaphumi, liphose ngaphandle, futhi uphose elinye phakathi, futhi ulizame futhi. Liphose phakathi futhi ulizame futhi, lize liphume elilodwa. Kukhona elilodwa lawo phakathi lapho eliphilayo, futhi elilodwa lawo lizophuma. Kodwa yileyondlela esifanele siyenze. Silokhu siqhubeka nje sidubula, udubule le kude, kuze kwenzeke okuthile.

⁹⁹ Ngenzani na? Ngiyadubula manje. Ngiyaphuma lapha, ngingazi ngisho . . . ukuphuma kunoma yikuphi ukuhola.

Isibopho! Izigidi zabantu ziyakubuka, “Wena uzokwenzani na? Uyini umnyakazo olandelayo na?” Abanye bacabanga ukuthi ngifile. Abanye ucabanga *lokhu*. Ngisho lesosibhamu saqhuma, ngelinye ilanga, kwathiwa ngangizama ukuzibulala. Yonke into, niyabo, ngaphandle ngasezweni, futhi yonke into. Niyabo? Kodwa unakho konke ukulwa ngakho. Khona-ke, unomthwalo wabantu.

¹⁰⁰ Futhi cabanga nje, ubungathini uma uNkulunkulu ubengabeka kuwe, ukuthi ubuzokwazi inhliziyu yabantu obukhuluma nabo na? Cabanga ngalokho. Niyabo? Bazalwane,

mhlawumbe, ngiyazi ninemithwalo, kodwa aniqondi. Futhi ngaphandle kwalokho, lapha, ninesibopho lapha.

¹⁰¹ Wena uthi, “Awu, lokho bekufanele kube lula kuwe, Mfowethu Branham. Noma yini ongayenza, uNkulunkulu uyakutshele nje.” Qhabo. Akakwenzi. Ngikujulukele, njengoba nje wenza, futhi kunzima kakhulu konke. Impela. Ngifanele ngikujulukele kanzima kakhudlwana kunoma wenza.

Futhi kuzoba nokuningi kakhulu okudingekayo kimi. Lapho ozodingeka uphendule ngebandla, lapho ozodingeka uphendule ngomndeni wakho, noma mhlawumbe ngesingawe nje, niyabo, kunemiphefumulo eyizigidi engizodingeka ngiphendule ngayo. Ngizodingeka ngiyazi iminyakazo yami. Futhi uma uSathane ekushaya, ngomphefumulo owodwa, noma ngemiphefumulo embalwa ozoyibamba, kuthiwani ngengaphandle lapha lapho izigidi zihlezi ngokohlelo na? Kungaki okunye okuningi ukuqhuma akuphonsayo phakathi lapho na? Niyabo? Ngakho-ke unenqwaba eningi enizofanele niyikhumbule, bazalwane. Lokho, akumangalisi ngithola ukwethuka ngezinye izikhathi. Impela.

¹⁰² Kodwa manje ngishaya ngesibhakela le khona manje. Ngiphosa igobolondo phakathi. Uma lidubula, nakho-ke. Uma lingadubuli, angeke ngiyeke. Ngizophosa ngaphandle lelo, njengokudinsika, bese ngizama elinye. Elilodwa lawo lizodubula. Yilokho kuphela okukhona kulo. Elilodwa lawo lizodubula, ndawo ndawo. Khona-ke, ngi—ngifuna ukuba kokuhlosiwe, ngakho-ke, lapho lidubula, ngizoyinemba into engiyidubulayo. Futhi manje niyazi ukuthi ngiqonde ukuthini. Ngiqinisile. Niyabo? Kukhona okuthize, ndawo ndawo. Ngiyahamba ngenxa yalemihlangano, ngiphulukundlela ngaleya. Angiqondile ukufundisa lezizinto ezinkulu enginifundisa zona bantu.

¹⁰³ Niyakhumbula ukuthi lelophupho, lelo enganginencazelo, lalithini na? “Buyela emuva futhi ubekelele uKudla.” Yayikuphi inqolobane na? Lelitabernakele. Yikuphi lapho kunanoma yini efana nakho ezweni, ngapha noma kuphi, ebizoqhathaniseka noMlayezo esinawo na?

Manje, kusobala, abafowethu abancane lapha abangaphandle ngalapha, lawa amanye amabandla amancane, ayithina. Simunye.

Ubungaya kuphi, ukuWuthola na? Khombisa ukuqhathaniseka kwaWo noma kuphi. Uphumela ezivumwenikholo zehlelo ngqo. Uzophumela ngaphandle ngqo usuke eGameni leNkosi uJesus. Uzophumela ngaphandle ngqo le kulezi ezinye izinto. Niyabo? Futhi lapha yilapho uKudla kubekelelwe khona.

¹⁰⁴ Awu, uMlayezo owodwa engiwushumayela lapha kini nonke. . . Bukani, kade ngishumayela kusuka ehoreni elilodwa

kuya kwaisithupha kini, ngoMlayezo. Awu, uma ngizodingeka ngisebenzise owodwa waleyo uMlayezo, ngingathatha iviki kuWo, okuncanyana nje *lapha* nokuncanyana *lapho*, niyabo, ngoba Kubekelelwe lapha.

¹⁰⁵ Kusemateyipini. Kuzoya emhlabeni wonke ngamateyipu, lapho abantu ezindlini zabo. Lawo mateyipu ayowela ezandleni ngqo ezamiselwa ngaphambili nguNkulunkulu. Angaliqondisa iZwi. Uzoqondisa yonke into iqonde ngqo embangeleni yayo. Yingalesosizathu Engithumele emuva ukwenza lokhu. “Bekelela uKudla lapha.” Uyangenqabela ukuya phesheya kwezilwandle.

¹⁰⁶ UMfowethu Arganbright wathi, “Awu, woza, hamba. Unobusuku obubodwa, kodwa sizokuthathela uhambo lokuvakasha uzungeze izwe lonke.” Indlela engibone ngayo uMfowethu Fred noMfowethu Banks bezama ukuhamba.

¹⁰⁷ Ngathi, “Bengingeke ngihambe ngaleyondlela.” Niyabo? Kwakhombisa ukuthi kwakukhona okuthize okunye.

¹⁰⁸ Ngicindezele ngaze ngafika emakini manje, kodwa angazi ukuthi ngihambe ngayiphi indlela. Kodwa kunezinhlamvu ezingizungezile. Ngabe Ungibizele emuva ebuvangelini na? Ngabe Ungibizele ezithunywani zenkolo zakwamanye amazwe na? Ngabe Wangibizela ukuba ngibe ngumprofethi waKhe na? Ngabe ngifanele ngeluse ndawo ndawo na? Noma ngabe yini engifanele ngiyenze, ngizoqhubeka nokuphosa igobolondo phakathi bese ngidonsa indlebe kuso. Elilodwa lawo lizophuma. Kodwa angizukuhlala nje ngibuke, ngithi, “Nkosi, Wena faka igobolondo esibhanyini.” Ngizofaka igobolondo esibhanyini, ngizidonsele mina. Mdedele Yena adubule. NguYe ozonakekela lokho. Mangibe ngilokhu ngiqhubeka nje.

¹⁰⁹ Ngaphandle, uma ngiqhubeka kulemihlangano manje, ngiyaphuma nje. Angazi. Ku, ngi—ngingahle ngingasho neyodwa into ngalona uMlayezo njengoba ngishumayela lapha. Ngingahle ngingabi nabo ngisho ubusuku obubodwa bokubona okufihlakele. Angazi. Ngiyahamba nje, angazi ukuthi ngizokwenzani. Angeke nginitshele. Ngiyahamba nje, futhi yilokho kuphela.

¹¹⁰ Futhi yileyondlela ofanele wenze ngayo. Unokuthile engqondweni. Abantu lapha bafuna indlu yokukhonzela. Yakhe. Ngokushesha ongakwenza, yakhe. Thola abafundisi bakho nezinto.

Nina bazalwane ngaleya, namabandla enu amancane, futhi nifuna uku, nenza umsebenzi, uNkulunkulu uzoniklomelisa ngalokho. Phumani lapho, nishumaye, yenzani konke eningakwenza. Hlanganani nonke ndawonye, nina qembu lamadoda, futhi nibe nemihlangano, futhi nikhulume ngezinto ezijulile zomBhalo.

Futhi, nikhuleke. Ninge—ningezi nje lapha ukubuthana, ngaphandle uma nizozela umhlangano womkhuleko kuphela.

Yenzani ukukhuleka kwenu ekusithekeni. Phumani ezindaweni. Ngenani emagumbini enu. Cashani ndawo ndawo. Futhi nje niguqe phansi, futhi nje nihlale phambi kukaNkulunkulu, futhi nihlale lapho.

Khona-ke uma nithola, kubukeka sengathi okuthize kuyenyuka, o, nizohamba nje, futhi nithola ukuthi kuyaphuma kancanyana eZwini, khona-ke qaphelani. Akunandaba ukuthi kubukeka kahle kanjani, yimani khona lapho. Umoya ongalungile unishayile. Isizathu, uMlayezo walolusuku useZwini. Niyabo? Ninga... Niyabo?

¹¹¹ Uma uthi, “O, he, Mfowethu Branham! Ngiyakutshela *ukuthi-nokuthi*. Ngani, uS’bani-bani wama ngobunye ubusuku, lena enye into yenzeka *kanje*.”

Kubukeni. Kubhekisiseni. Ungaphiki lutho. Linda nje futhi ubone ukuthi kusebenza kanjani, bese-ke ukukhuphulela eZwini futhi ubone ukuthi kuqhathaniseka kanjani neZwi. Khona-ke, uma kuqhathaniswa neZwi, futhi yonke into ikahle, bonga uNkulunkulu, futhi ulokhu uqhubekela phambili-ke nje, niyabo, inqobo nje uma kuhlala eZwini. Lowo ngumbono wami, lokho engicabanga ukuthi nifanele nikwenze.

¹¹² Mfowethu Neville, Mfowethu Ruddell, Mfowethu Crase, noMfowethu Beeler, nani nonke bazalwane lapha, Junie, noma ngabe ukuphi, nani nonke bazalwane, uNkulunkulu anibusise ngokucebile.

Ngibona uTerry, uLynn, uCharlie Cox, uDavid, iningi lenu zinsizwa lapha. UNkulunkulu anigcobe. He! Bengingathanda kanjani ukucosha abangagcwala isandla kini, ukuba ngubuvangeli, futhi nginibeke ndawo ndawo, niyabo, ngazi ukuthi nikhuphukile. Ningama futhi nazi uMlayezo, futhi nitadishe, ukuze nizifakazise, nizwa ukubizwa empilweni yenu. Ngibona izinsizwa ezimbili noma ezintathu, futhi ezine noma ezinhlanu, zihlezi, kolunye uhlu olungemuva *lapha*, futhi—futhi kanjalo. Uyinsizwa. Sengiyaguga. UMfowethu Neville useyaguga. Singamadoda aphakathi nendima yempilo. Uma isikhathi sigingqikela phambili, sizohamba sisuke enkundleni, emva kwesikhhashana. Nizofanele ningene ezicathulweni zethu. Niyabo? Futhi ngakho-ke, niyabo, bese-ke, mhlawumbe, ngalolosuku, siyoba sikhule kakhudlwana ngisho, uma likhona ikusasa.

¹¹³ Kodwa ngenkathi lisekhona inamuhla, asisebenze kusesemini. Ikusasa lingahle lingafiki. Uma lifika, masililungele. Niyakubona engikuqondile na? Manje, yilokho ebengingakucabanga, kini.

¹¹⁴ Bekungemangalise ukubona umfowethu phezulu lapho e-Utica, uMfowethu Crase, nonke nina bafowethu abanye lapha, nihlangana ndawonye, nihlangana, ningene endaweni. Nina befundisi nihlale ndawonye bese nixoxe ngezinto. Nifanele

nibe nenhlanganyelo ndawana-thize. Nifanele nibe nokuthile, ukuba nihlangane ndawonye, ukuthi ukuba nokuhlangana ndawonye ngakho. Nonke hlanganani ndawonye njengeqembu lamadoda futhi nikholwe omunye nomunye, futhi kanjalo, futhi nixoxe ngalezizinkinga, futhi nihlele, mhlawumbe, kanye ngenyanga, abefundisi nje bodwa. Manihlanganane ndawo ndawo kwelinye lamabandla enu. Nihlale lapho futhi nikuxoxe, futhi nikukhulume, ngamunye wenu belusi, nabavangeli, futhi noma ngabe niyini.

Bese kuthi-ke uma kuvela inkinga enkulu, angeke nayixazulula, khona-ke, uma ngibizelwa ensimini yobuvangeli. Angazi ukuthi ngizoba yini. Uma ngizoba, niyazi ngizobuya, njalo njalo, ngaso sonke isikhathi. Bese kuthi-ke uma nithola lezozinto, khona-ke, uma sengibuya lapha, awu, sizohlangana ndawonye futhi nje sihlale phansi lapho. Omunye wenu unobizo empilweni yenu... Angeke sibe nakho njengegxoxiswano yangasese nezinto ebekade sinazo. Sizovele sihlangane ngqo, futhi sihlale lapho size sibe no ISHO KANJE INKOSI.

¹¹⁵ Futhi uma ungaqondisa abashumayeli, futhi naye ahambe kahle, bukani ukuthi uzokwenzani. Uzothonya i... Kuzonakekela amakhulu alezizinto. Yilokho-ke. Sikushaya nje, niyabo. Ufanele ukutholele uhlelo, uhlelo lukaNkulunkulu.

¹¹⁶ Njengoba uJethro athi kuMose, “Ngani, angeke ubashaye bonke.” Noma, futhi uNkulunkulu wabeka abadala phandle lapho, amashumi ayisikhombisa abo. Futhi wathatha uMoya owawukuMose, futhi wawubeka phezu kwalabo abangamalungu angamashumi ayisikhombisa. Futhi baprofetha. Futhi akuzange kumenze buthakathaka uMose nakancane. Kwamqinisa. Wayenesiprofetho esiningi kuye njengoba enza ngaphambi kokuba basuse uMoya kuye, ukuprofetha. Niyabo? Wavele wehlukana nje, wathi, “Manje, Mose, mabahlulele izinto ezincane. Futhi, kodwa, uma sekuza ezintweni ezinkulu, ngena nabo futhi ubasize kanjalo.”

¹¹⁷ Manje, yileyondlela. Leyo kwakuyindlela kaNkulunkulu emuva lapho. Leyo kwakuyindlela kaNkulunkulu e—oNyakeni weBandla lasekuqaleni. Futhi ngiyakholwa ukuthi yindlela kaNkulunkulu manje, kunjalo, yethu yokukwenza. Ngakho-ke, asikwenze. Asiyeke nje ukukhuluma ngakho, futhi sikwenze. Yilokho kuphela. Singakwenza ngomusa kaNkulunkulu. Anikukholwa na? [Abazalwane bathi, “Amen.”—Umhl.]

Manje, manje, ake sibone. O, sengivele ngisithathile isikhathi sami.

¹¹⁸ Kodwa uBilly ubhale inothi lapha. Umzuzu nje, ngizobona ukuthi lithini. “Ngivela eNew Albany. UDaughter Grace, Memorial Hospital, wephuke ingalo yakhe. Ufuna umkhuleko ngaye. T-r-o-u-b, W. C. Troub.” Troub, into efana naleyo.

Masibe nomkhuleko ngalelinenekazi elincane.

¹¹⁹ Baba wethu waseZulwini, njengoba sikhuluma manje, futhi ngiyacabanga ukuthi mhlawumbe ngenkathi u-Irenaeus wayebuke phandle phezu kwaleliqembu lakhe elincane lamadoda, mhlawumpe kwakuyinxenye yeqembu elincane kunanoma linjalo lapha kulobubusku. Futhi babengenaso isihlalo sokuhlala. Bahlala kwezibandayo ezindala izingcezu zamadwala. Futhi bahlala lapho, futhi wakhuluma kubo. Lawo madoda aphuma ngisho ngenkathi, ukuhamba, babazi ukuthi babengaphakelwa amabhushi, amakhanda abo anqunywe. Kodwa ukuKholwa kobaba bethu kusaphila namanje, ngaphezu komgodi oyitilongo leziboshwa, ilangabi nenkemba.

¹²⁰ NgiyaKubonga ngalamadoda, Nkosi. Ngiyakhuleka ukuthi Uzowabusisa. Futhi ngiyawabusisa ngayinye yawo, eGameni laKho, ukuthi Uzowagcina ekuKholweni okwakhululwa kwaba kanye kwabangwele, ukuthi awasoze ehluka kulokho. Futhi kuleliqembu sengathi Ungathumela abelusi, abafundisi, abavangeli. O Nkulunkulu, siphe khona. Futhi kwangathi bangabamba isikaniso, yonke indawo, nomaphi lapho bekhona. Sengathi umsebenzi ungaqhubeka kuze kufike uJesu.

¹²¹ Futhi manje, Baba, ngikhulekela ngasinye salezizicelo esingenile lapha kulobubusuku, futhi ngicela ukuthi Uzolikhumbula lelinenekazi elincane ezansi lapha, elephuke ingalo yalo. Sengathi amandla kaNkulunkulu uSomandla angaliphulukisa futhi alisindise. Siphe khona, Nkosi. Ngiyakhuleka ukuthi Uzolisiza futhi ulibusise. Busisa abathandekayo balo ngokushaya ucingo. Futhi kwangathi amandla avusa uJesu waphuma ethuneni avuse lentombazane. Kwangathi ingalo yayo ingaphila.

¹²² Zonke lezizicelo esenziwe zaphathwa kulobubusuku! Lowo mfana ompofu elele lapho, onalokhu, ngimzwile umfowethu ekumemezela, ukuthi isifo se—seHodgkin simdlile nya kwaze kwasha ubuso bakhe, ngeradiyamu okusansimbi nezinto abamnika zona. Nkulunkulu, yiba nomusa kulowomfana. Makaphile.

Sicabanga ngaleyondoda engalungiselelanga ukuhlangana naWe, esihambile manje; umkayo nekhandla eliphahlazekile. Umntwana wokutholwa! Zonke lezi ezinye!

UDadewethu Bruce, ekha lawomanzi. Useyaguga, Baba. Futhi lapho ushe izingalo zakhe, futhi phezulu naphansi emzimbeni wakhe. Siyamkhulekela. Cishe usesesibhedlela. Futhi siyakhuleka ukuthi uzomkhulula futhi umkhiphe. Siphe khona, Baba. Sicela lezizibusiso eGameni likaJesu Kristu. Amen.

¹²³ Manje ngifuna ukunibuza okuthize, futhi nginibuze uma—uma nikholwa ukuthi sinesikhathi nje esincanyanyana seZwi. Ninaso na? [Abazalwane bathi, “Yebo.”—Umhl.] Nje okwe... Manje yisi, ngiyazi, sekuleyethi kancane, kodwa benginokuthile

okuncane lapha ebengikucabangile namhlanje, ebengizothanda uku—ukukhuluma ngakho, okomzuzu nje, futhi kungahle kunisize.

Futhi ngicabangile, okokuqala, ukuthi ngizomemezela lokhu. Manje, kukuleteyipu. Futhi uma noma ngubani engafuna ukubhekisela kuyo, uJim uzoba nayo, niyabo, kulokho engicabanga ukuthi bekufanele kwenziwe, futhi manje yini ezofanele yenziwe e . . . kinina bazalwane.

¹²⁴ Manje, niyazi yini ukuthi, ngenkathi lawomadoda asekuqaleni ephumile, ngezinye izikhathi kwakukhona kuphela cishe ayisithupha noma ayisishiyagalombili awo, ndawonye na? Futhi azamazamisa izwe. Awu, niyazi, ngenkathi u-Akwila noPrisila, leyomvuselelo enkulu leyo u-Apolo ayenayo ngapho, kwakukhona cishe abayisithupha noma abesilisa abayisishiyagalombili nabesifazane kulesosigejane. Lonke lelo bandla, lalisho okuyisithupha noma okuyisishiyagalombili. Unokuyisihlanu noma okuyisithupha, okuphindwe kasikhombisa lapha kulobubusuku njengoba babenakho ngaleyonkathi.

¹²⁵ Niyazi, uJesu wayenabaphostoli abayishumi nambili kuphela. Sihlala sicabanga ngento enkulu. Kodwa uNkulunkulu akasebenzi ngalezozinombolo ezinkulu. Kukulamaqembu amancane yilapho Ekuthola khona. Niyabo? Bukani ezansi kuwo wonke unyaka, kunoma yisiphi isikhathi Ake ahlangana nabantu. Kwakungamaqembu amancane, niyabo, futhi wakhuluma nabo, noma wabagcoba. Kuyintokozo kaNkulunkulu enhle ukwenza lokho. Yileyo Athanda ngayo ukukwenza. Futhi manje sifuna nje ukugcina uNkulunkulu phakathi kwethu, futhi sihambe, senze lezizinto.

¹²⁶ Manje, ngeSonto ekuseni, iNkosi ithanda, ngifuna ukukhuluma kini ngokuthi *Ubuvangeli Besikhathi Sokuhlwa*. Futhi khona-ke, uma iNkosi ivuma, mhlawumpe ngizohamba kuze kube leyithi kulenkwindla, futhi ngaphambi kokuba ngibuye futhi. Mhlawumpe ngizobuya ngesinye isikhathi ngaphakathi, ngoSeptemba.

Futhi manje ngiyethemba, ngaleyonkathi, ukuthi yonke into izohamba ngokumangalisayo ngenxa yenu bazalwane, futhi imihlangano yenu izokhula ngezinombolo, futhi umusa kaNkulunkulu ube phezu kwenu nonke, size sihlangane. Futhi ngethemba ukuthi nizongikhulekela, nempumelelo.

Khumbulani, imikhuleko yenu ngami, lokho kusho ukuthi ninguzakwethu. Ningu—ningubhuti wami, umsizi wami. Futhi, ndawonye, singabasizi eNkosini. Futhi manje, uma ngimi phandle lapho phambi kwesitha, ngi—ngifuna ukukhumbula lawo ethembekile, amasosha eqiniso athola umkhuleko uphenduliwe wabagulayo nabahluphekile, nalabobantu bayangikhulekela. Nginguye owudingayo phandle laphaya.

Ngiyawudinga ngempela. Ngakho-ke, nonke ngikhulekeleni lapho nibuthana. Ningangikhohlwa, kunoma yimuphi umhlangano. Ngikhulekeleni.

¹²⁷ Manje, kuJohane oNgcwele, isahluko 9, ngifuna ukufunda kusukela evesini lama 26 kuya kwelama 35, manje, okwemizuzu embalwa nje. Futhi khona-ke sizo—sizovala kwelandelayo engamashumi amabili noma imizuzu engamashumi amathathu, noma mhlawumbe ngaphambi kwalesosikhathi, iNkosi ithanda. Ngifuna ukufunda lemiBhalo manje kuJohane oNgcwele, 26 kuya . . . uJohane oNgcwele 9:26-35, ngikubhalile phansi lapha, okuthize nje ebengicabanga ngakho.

Bathi kuye, Wenzeni kuwe na? uwavule kanjani amehlo akho na?

Futhi wabaphendula wathi, Kade nginitshela, kepha nina anizwanga: nifunelani nina ukuzwa . . . futhi na? niyafuna nani ukuba abafundi bakhe na?

Bamthuka, bathi, Nguwe ongabafundi bakhe; kepha thina singabafundi bakaMose.

Siyazi ukuthi uNkulunkulu wakhuluma wakhuluma kuMose: kepha lomfo asimazi lapha evela khona.

Waphendula lowomuntu wathi kubo, Lokhu kuyisimangaliso, ukuthi nina anazi lapho evela khona, ingani uvule amehlo ami.

Siyazi ukuthi uNkulunkulu akazizwa izoni: kodwa uma umuntu emesaba uNkulunkulu, ayenze intando yakhe, uyamazwa lowo.

Akuzanga kuzwakale ilokhu kwadabuka izwe ukuthi ukhona owavula amehlo ozelwe eyimpumputhe.

Uma lo engesiye okaNkulunkulu, ubengenakwenza lutho.

Khona-ke baphendula . . . Baphendula bathi kuye, Wena wazalwa esonweni ngokwempela, wena usifundisa thina na? Base bemkhiphela ngaphandle.

Futhi uJesu wezwa ukuthi bamkhiphele phandle; kwathi emfumana, wathi kuye, Uyakholwa yiNdodana kaNkulunkulu na?

¹²⁸ Manje ngithanda ukukhuluma imizuzu embalwa nje kinina bazalwane, ngazi ukuthi, ukukhuluma kwami okuncane lapha, angazi ukuthi kuzoba yini. Ngethemba ukuthi uNkulunkulu uzokusebenzisa ngandlela thize. Futhi manje kuleli, phezu kweZwi laKhe, ngakho-ke ngiyazi ukuthi uMfowethu Sink, uMfowethu Neville noma omunye wenu befundisi, ngokuvamisile uyashumayela. Futhi ngokuba nani lapha nje, nizongixolela, ngithanda ukukhuluma kini kancanyana ngalendlela.

¹²⁹ Manje ngifuna ukuthatha indaba lapha yokuthi: *Ukuchema NoJesu*. AbaFarisi nabaholi bosuku lwaKhe babezama njalo ukuMehlisa isithunzi phambi kwabantu. Leyo kwakuyindlela nje udeveli ayenayo yokusebenza. Bonke abaFarisi nabafundisi bosuku lwaKhe njalo njalo babezama ukwehlisa uJesu isithunzi. Bona, konke ukulahlwa ababengaMnika khona, bakwenzile. BaMbheka, njalo njalo, ukuthola lapho ababengathola khona iphutha. Futhi abazange bakhulume ngezinto zaKhe ezinhle. Babehlala bethola into ethile ababengaMehlisa isithunzi ngayo, futhi bathi, “Uyabo, buka lapha. Ukube Ubeyindoda kaNkulunkulu, Ubengeke akwenze *ngalendlela*.” Noma, “Ukuba Ubeyindoda kaNkulunkulu, Ubengeke akwenze *ngaleyondlela*.” Babezama ukweleka ngesithunzi phezu kwaKhe, ukwenza abantu ukuba bangaMkholwa. Lowo ngumsebenzi kadeveli.

¹³⁰ Futhi lelocebo elidala alikaze liphele. Kunezikhathi eziningi lapho umfundisi eyokwenza khona iphutha. Futhi uma engena komakhelwane, umfowethu oligugu ozama ukwenza okulungile, nokuhola abantu kahle; yonke into udeveli angayikhomba kongakholwayo noma obizwa ngokuthi ngumKristu, kulowo omakhelwane, ukuphosa kuleyondoda, uzokwenza.

Niyazi, indlela yobuKristu yangempela ukufihla yonke into ongakwazi kumfowenu. Ungazixoxi izinto zakhe ezimbi. Xoxa nje lokho okuhle kwakhe. Xoxa lokho nje okwaziyo ngaye okuhle. Uma noma yini iyimbi, iyeke kanjalo. Umfo bandla unokwanele okumelene naye, noma kanjani. Ungazami ukuthatha isigxobo futhi usunduze indoda uyiqhubele phambili emgodini. Isimo sokuziphatha somKristu ukumqokula futhi umkhiphe emgodini. Niyabo? Ungalokothi uzame ukumsunduzela phansi. Usephansi, vele. Zama ukumsiza avuke. Futhi, kodwa, iningi lethu namuhla, abantu abanengi namuhla, ngingahle ngithi, uzame ukwenza lokho, uma nje bengahle bathole okuthize okunye abangahle bakusho, obekukubi ngempela.

¹³¹ Manje, isibonelo, uma—uma omunye wenu bazalwane ebengenza iphutha futhi enze okuthile okungalungile; okungukuthi, ungaphansi kokukwenza; nami nginjalo, futhi; sonke ngamunye. Kodwa, njengoba siqhubeka, asikhumbule ukuthi singabafowethu. Singabafowethu. Futhi uma sinanoma yikuphi ukulwa, ake silwe sodwa. Sikulethe ndawonye. Sikulethe phambi kwabazalwane bethu futhi sikuxazulule.

¹³² Manje, babekujwayele, emndenini wakwaBranham, uma omunye wabancinyane enze okuthize, babezotshela uBill ngakho, ngoba ngangingomkhulu kunabo bonke. Futhi ngangifanele ngime lapho futhi ngibone ukuthi yimuphi owayeqinisile nonephutha. Awu, isinqumo sami sasingukuthi, uma be. . . yimuphi owayeqinisile nonephutha. Uma besalokhu bengakukholwa, khona-ke babejikela ngale emva kwami futhi bakulwele. Kodwa babesalokhu bengabafowabo, niyabona.

Babelwa egcekeni elingemuva, omunye nomunye; futhi balwe egcekeni elingaphambili, omunye alwele omunye. Ngakho-ke yileyo ndlela okwakungayo, niyabo, futhi sasiselokhu singabafowethu.

¹³³ Awu, lokho, yileyo ndlela esi—esifanele sikwenze ngayo lokhu. Niyabo? Uma unokuthize okuphikisana nothile, umfowenu, ungatsheli omunye umuntu ngakho. Uma kuyiphutha, yana kuye futhi umtshela. Bese kuthi-ke uma ezophikisana nawe, khona-ke thatha omunye umuntu kanye nawe. Bese-ke nikulethe ngendlela iBhayibheli elakusho ngayo.

¹³⁴ Kodwa, uJesu, ba—bazama nje ukuthola lonke ithunzi elincane ababengalithola, ukuzama ukuMehlisa isithunzi ebusweni babantu.

Futhi yilokho udeveli akufunayo. Bafuna uku—bafuna ukulimaza ukuthonya kwakho phambi kwabantu. Yileyo ndlela ofuna ukubheka ngayo ngokuqaphela lokho okwenzayo. Hambani njengamadoda angempela kaNkulunkulu. Khulumani njengamadoda kaNkulunkulu. Niyabo? Ziphatheni njengamadoda kaNkulunkulu. Philani njengamadoda kaNkulunkulu. Ngoba, “Udeveli, isitha sakho, sihamba njengengonyama ebhongayo, sizama ukushwabadela lokho esingakushwabadela.”

¹³⁵ Bakwenzeleni lokhu na? Babenomona ngaYe. Yilokho okwakuyisizathu babezama ukuMehlisa isithunzi. Babenomona ngenkonzo yaKhe. Futhi yingalesosizathu babezama ukwehlisa isithunzi. Awu, Wayenenkonzo kaNkulunkulu, futhi babekwazi lokho, kodwa Kwakuphambene nesivumokholo sabo. Ngakho-ke babezama ukuMehlisa isithunzi, benza yonke into Yena. . . sonke isici esincane ababengasithola, baMsuse endleleni. Babefuna ukuthi Ayeke. Babefuna abantu baMjivaze.

Babefuna ukuthi, “Manje, loMfo akalutho. Bukani lapha. Manje, naNguya. We—We—Wenze *lokhu*, futhi niyazi ukuthi lokho akulungile. Sifundisiwe, yonke impilo yethu, ukuthi sifanele sibakholwe abadala. Futhi nangu Yena, emile khona lapho futhi eklabalasele lowo omdala. Uphikisene nesiko lawobaba. Futhi thina kade. . . Besifanele sikholwe isiko lawobaba bethu. Sifundisiwe ukuthi, ngurabi ngamunye, yonke iminyaka kwedlule. Futhi lapha leNdoda iyafika futhi ayivumelani nabo. Niyabo? Ngani, iNdoda enjalo ayikufanele ukuba ngumshumayeli.” Niyabo? Babezama ukuMehlisa isithunzi.

¹³⁶ Kodwa, kukho konke lokho, labo abaNkulunkulwayo futhi ababeMthanda, futhi ababekubonile okwaKhe kokomBhalo, izibonakaliso eziyisimangaliso, babengeke bavinjwe yizo. Qhabo, mnumzane. Labo abaNkulunkulwayo bakholwa kuYe. Labo ababeMthanda bama ngakuYe. Babengeke babone lokho abanye ababebakhomba kukho.

137 O, uma besingaba yilokho! Ukuba nje besingeke sibone. Uma omunye othile ubeyofika ngapha, athi, “Uyazi ukuthini? Bathi uyipentecostal.”

“Hhayi ngehlelo.”

“Awu, wawuyi... Wena, uyilolohlobo olubhaphathiza eGameni likaJesu.”

“Ya. Kunjalo.”

138 “Awu, ake nginitshela okuthize. Ngazi indoda, ngesinye isikhathi, yabhaphathizwa kanjalo, futhi yenza *ukuthi-nokuthi*.”

139 Kodwa bukani, lokho akuhlangene ngalutho naKho. Ngudeveli, ezama ukuphosa ithunzi kuwe. Bahlale bezama ukukukhomba emkhunjini othile omdala owephukile phezu kogu lolwandle, kodwa abakukhombi kulowo ohambe ngokuphepha. Kunjalo. Niyabo? Kunjalo.

140 Bahlale bezama ukujikijela isicupho segwababa ngaphandle lapho, futhi bathi, “*Lokhu* yisibonelo. *Nakhu* okwakwenzayo. Ngazi umshumayeli othile owayengumshumayeli wobungwele, futhi wenza *lokhu*, *lokho*, noma *okunye*.” Kodwa ababakhombi abanye owayengenabo ubungwele, owenza lokho futhi, uyabo. Futhi abakhombi izinto ezinkulu uNkulunkulu azenza.

141 Njengomunye ethi, “O, lapha *le* ndoda yaya kude kakhulu. Yona, yaya kude kakhulu.” Ingahle ukuba yakwenza lokho. “Yazisakaza qobo lwayo. Yaya kude kakhulu. Iba wuhlanya.” Ingahle ukuba yakwenza lokho. Kodwa ngenkathi besakhomba ukuthi bangaki abahambayo, lowo owaya kude kakhulu, kanjani ngalezizigidi ezingakaze ziye kude ngokwanele na? Bayehluleka ukubona lokho. Niyabona ukuthi ngichaza ukuthini na? [Abazalwane bathi, “Yebo.”—Umhl.]

142 Ngakho-ke, abantu bazama, labo baFarisi, nabaSadusi, nabazenzisi, noHerodi, futhi bonke bazama ukweleka ngesithunzi uJesu. Kodwa lawomakholwa eqiniso ayemiselwe ngaphambili ukuba ezwe lowoMlayezo, aWuzwa futhi awabonanga phutha kuWo nhlobo.

143 Kuyafana manje. Labo abaMkhollowo, abaMthandayo. Labo abaMkhollowo, ababoni phutha kuYe. Ababoni kukholwa okuphambene nokukholwa okuyikho. Ababoni lutho olungalungile. Ababoni lutho oluyiphutha ngeZwi laKhe. Ababoni lutho oluyiphutha ngabantu baKhe. Babona uJesu nje. Yilokho kuphela. Bona, ba—bamiselwe ngaphambili ekuPhileni okuPhakade, ngakho nje bachema noJesu futhi bahlale lapho.

144 Sasivamise ukucula iculo elincane, Mfowethu Roy Roberson. Futhi sasivamise ukucula iculo elincane lapha, ngiqagele, isikhathi oza ngaso lapha.

Ngizothatha indlela nabayingcosana
abadelelekile beNkosi.

Ngigale ukungena noJesu, futhi ngiyedlula.
Ngingaqoka ukuhamba noJesu yedwa,
Futhi ngibe nomqamelo wami, njengoJakobe,
itshe.

¹⁴⁵ Awu, nilizwile iculo elincane. Kunjalo. Ngingaqoka ukuthatha indlela yokungezwani, ngithathe indlela yabadelelekile, ngithathe indlela okukhulunywa ngayo, futhi ngihambe noJesu. Angiboni phutha kuYo, nhlobo. Angaliboni iphutha lomunye umfo. Yiba ulokhu uhamba. Yilokho kuphela.

Manje, yileyondlela abenza ngayo kuJesu. Abazange—abazange. . .

Futhi ufanele ufundise abantu bakho, nina belusi, ukwenza okufanayo.

¹⁴⁶ Uma umuntu efika ngapho, athi, “Uyazi, ibandla lakho, babe *ukuthi-nokuthi*. Bona. . .” Yebo, mnumzane.

¹⁴⁷ Kungahle kube nedazini labo abahlezi lapho ngaleyonkathi, kodwa kanjani ngalowo o—lowo o—lowo o kahle, lowo ohlezi lapho na? Niyabo? Wena u—wena u—wena u. . . Angeke nje uwabone amahlathi, ezihlahla. Yilokho kuphela. Manje, yilokho-ke, buyela emuva futhi. Niyabo manje na?

¹⁴⁸ Futhi ngakho-ke bazama. Babengavumi ukuvuma ukuthi Wayenze umsebenzi kaNkulunkulu, ngakho-ke babezama ukutshala ukungezwani nokuthola abantu ukuba bangakholwa. Kodwa labobantu abaNkholwayo, bahlala naYe ngqo. Bachema.

¹⁴⁹ Niyazi, ngicabangile lapha, abantu abathi ababe babili ngibabhaliile lapha. Indoda eyimpumpu the yayingeke iguqulwe yibo, leyondoda Ayinika ukubona kwayo nje. Siyayazi indaba. Futhi yabanika umbuzo otinyelayo impela, ngaphandle. Manje, bakhuphukela lapho.

Futhi uJesu wedlula, futhi WayenguMuntu odelelekile futhi ozondwayo. IBhayibheli lasho ukuthi Wayezolahlwa. “Babungekho ubuhle kuYe, ukuba siMfise. Futhi thina sonke sidukile njengezimvu. WayenguMuntu wenhlupheko, elejwayele uhlupho.” Futhi lakusho kanjani lonke iBhayibheli lokho Ayezoba yikho. “Wayezokwedelelwa futhi alahlwe.” Futhi siyambona lowoMuntu.

¹⁵⁰ Manje, labo abakholwa yiZwi, babazi ukuthi zona impela izinto uJesu ayezenza, nezinto ezazingezempilo yaKhe, babazi ukuthi WayeNgubani. Ngakho-ke babengeke babeke lutho ukuMonakalisa, ngoba babengeke bakubone. Futhi niyazi, uthando aluboni, empeleni, kulezozinto. “Uthando lumboza inqwaba yesono,” niyazi. “Uthando oluphelele luxosha ukwesaba, nesono, konke ukungezwani.” Uthando luyakwenza.

¹⁵¹ Manje, lendoda eyimpumpu the yayihlezi lapho, futhi uJesu nabafundi baKhe bayafika. Futhi ngicabanga ukuthi uJesu wabanikeza isifundo esincane lapha. Lapho bebone lena empofu, indoda eyimpumpu the, bacabanga, “Awu, manje impela, kunesono emuva kwalokho, ndawana-thize.”

Uma sibona okuthile kwenzeka kumuntu, njalo sithi, “Awu, wonile. Uphumile entandweni yeNkosi, ndawana-thize.” Ngenkathi uMfowethu Crase eshayisa isigxobo, “Uphumile entandweni yeNkosi, ndawana-thize,” embonweni womunye umuntu. Ngenkathi kuqhuma isibhamu, kimi, “Awu, ubephumile entandweni yeNkosi.” UMfowethu Neville ushayise imoto, “Ubephumile entandweni yeNkosi.” Lokho akunjalo ngempela. Qhabo, mnumzane. Akunjalo. UNkulunkulu uyazivumela lezozinto.

UJesu waphenduka futhi wabafundisa isifundo.

¹⁵² Bathi, “Uyise kufanele ukuthi wona. Noma—noma, unina wona na? Noma, yena wonile na?”

UJesu wathi, “Akekho kubo owonile, kepha ukuze imisebenzi kaNkulunkulu izokwenziwa ibonakaliswe.” Amen. Niyabo? UNkulunkulu uvumela izinto zenzeke ukuze nje... ukuze imisebenzi kaNkulunkulu ibonakaliswe. Manje, futhi ngakho-ke Washo, watshela indoda, futhi uyinika ukubona kwayo, futhi Wahamba ngendlela yaKhe.

¹⁵³ Futhi nakhu kufika abaFarisi, ngenkathi lokho kwakungamahlebezi azungezayo. “Lapha kwakunendoda eyayiyimpumpu the, ihlezi phansi lapho inxiba, futhi lapha isiyabona.” Futhi lokho kwakungamahlebezi azungezayo phakathi kwabo. Futhi, o, he, lokho kwanyakazisa okuthize. Futhi lapha bakhuphukela lapho, futhi babonile ukuthi indoda eyimpumpu the isiyabona.

Futhi kuqala, bahamba, babefuna ukuthola indlela ethize yokufaka ukwesaba phezu kwabantu bonke. Isizathu, base bevele bethe, “Uma noma ubani elandela leMfundiso entsha naloMprofethi omusha obizwa ngokuthi nguJesu waseNazaretha, ngokushesha bazonikezwa iphepha labo nenhlanganyelo ebandleni. Angeke baphinde baye esinagogeni. Uma nizihlanganisa naYe, nethamele omunye wemihlangano yaKhe noma yini, angeke uphinde uhambe.”

¹⁵⁴ Ngakho-ke, babefuna ukwenza umbukiso omkhulu ngakho, ngoba babeMzonda. Babengacabangi ngaleyondoda empofu eyimpumpu the. Kodwa babefuna ukwenza umbukiso omkhulu, ukwenza abantu baziqhelelanise naYe.

¹⁵⁵ Basho ukuthi bafuna ukubuza uyise nonina, ngakho-ke bahamba futhi bathola uyise nonina. Bathi, “Yindodana yenu lena na?”

Wathi, “Yebo, mnumzane.”

“Yona, yazalwa iyimpumpethe na?”

“Yebo, mnumzane.”

“Futhi kusho ukuthini ukuthi isiyabona na?”

¹⁵⁶ “Futhi uyise nonina wayesaba,” iBhayibheli lasho, “ngoba bayazi ukuthi bazokhishwa esinagogeni, uma bevuma ukuthi bekunjalo. . .”

Futhi, niyabo, nakho la babekhona, bethathela phansi. Bathi, “Manje, siyazi ukuthi lena yindodana yethu.”

¹⁵⁷ O, mhlawumbe abantu abayizinkulungwane ezimbalwa bemi lapho. Kodwa uma yona ingakwazi. . . Uma labobaFarisi abanukayo babengabeka nje kuphela ukonakalisa iGama laKhe khona lapho, noma benze okuthize ukwesabisa abantu, babeyoMxosha lapho, ngalowo mhlango. Niyabo? Konke ukuthonywa kwaKhe bekuyolahleka.

¹⁵⁸ Ngakho-ke basho, isigejane sabo sikhuphukela lapho bembethe izingubo zabo zobupristi, futhi bathi, “Mkhulumeleni.”

¹⁵⁹ Bathi, “Siyazi ukuthi lena yindodana yethu. Siyazi ukuthi yazalwa iyimpumpethe. Kodwa manje, ukuthi ibona kanjani, angazi. Mbuzeni. Usekhulile.” Niyabo? Kulungile.

¹⁶⁰ Ngakho-ke baya ngaleya futhi bamthola, bathi, “Ngubani okunikeza ukubona kwakho na? Ukuphilise kanjani na?”

Yathi, “Lowo othiwa nguJesu waseNazaretha unginike ukubona kwami.”

¹⁶¹ Futhi bathi, “Nika uNkulunkulu udumo.” Wathi, “Ngani, siyazi ukuthi loMuntu uyisoni.” Bathi, futhi bathi, “Uvelaphi na?”

¹⁶² Yathi, “Angazi. Uvele nje wafika futhi wangiphilisa, futhi yilokho kuphela engikwaziyo ngakho. Ngazi into eyodwa engiyaziyo. Angeke ngikwazi ukunitshela ngaYe eyisoni, noma qha. Angazi. Ngihlangane nje neNdoda, namuhla. Kodwa uma—uma Ibingakwazi mina ekuboneni kwami—kwami! Ngazi lento eyodwa, ukuthi, lapho ngake ngaba yimpumpethe, sengiyabona manje. Ngingeqiniso ngalokho. Ngoba, bengiyimpumpethe, ingxenywe yehora edlule, futhi manje sengibona kahle nje njengani nonke bafo. Ngakho-ke, ngiyazi ukuthi sengiyabona.”

¹⁶³ O, isitinyeli esinje asifaka kubo! Ngakho bacabanga, “Ngani. . .”

¹⁶⁴ Yathi, “Awu,” yathi, “nonke nifuna ukuba ngabafundi baKhe, nani na?” Kuhle lokho—kuhle lokho, ubufakazi obuqinile. Leyo—leyo—leyo ngenhle—leyo yizendlalelo ezinhle. Lokho—lokho—lokho ukufakaza okuhle impela, engingakusho. Yathi, “Ngabe nonke. . .”

¹⁶⁵ Nali ilunga nje lebandla, indoda eyimpumpethe, imi esitaladini emva kokuhlangana noJesu, manje ibuza umfundi,

ibuza abaFarisi uma befuna ukuba ngabafundi baKhe. “Ababhishobhi, amadoda ayinhloko, nifuna ukuba ngabafundi baKhe, nani na?”

¹⁶⁶ Bathi, “Qha! Ungumfundi waKhe wena. Singumfundi kaMose.” Bebuka emuva le kudabula emlandweni, niyazi. “Singumfundi kaMose. Le Ndoda, asazi lutho ngaYo. Asazi lapho Ivela khona. Awu, asinawo umthetho wanoma yisiphi isikole sethu lapho Ake aya khona. Akezi neze futhi wasibuza ngalezizinto. Niyabo? Asazi lutho ngaKho. Nina bantu phandle lapho, niyaqonda ukuthi leNdoda ayigcotshiwe na? Leyo Ndoda ingumbhuli noma okuthize. InguBelzebule. Nina nithakathiwe. Ngani, Akanalo noma yiliphi igunya. AsikaMniki lona okwamanje. Niyabo? Asazi ngisho nokuthi leNdoda ivelaphi.”

¹⁶⁷ Lomfana omdala emile lapho wayebona, wathi, “Manje, lena yinto emangalisayo.” Niyabo? Usezothola abantu bashaywe phansi, lababaFarisi wayenjalo, ebona besabe. Niyabo? Kodwa wayesevele echeme noJesu, niyabo, ngakho-ke wathi, “Lena yinto emangalisayo.”

Ake ngikuhlaziye, amanye amazwi okungenzeka ukuthi wawasho. “Manje, nina bafo ngalapha kade nigijimisa konke ukuphela kwezenkolo kwalena iminyaka engamakhulu. Futhi nikhuluma ngokufika kukaMesiya nokuthize okuzokwenzeka nje emathunzini esikhathi, lapho uMkhululi eza ukuzosibona. Futhi nisitshela ukuthi uma Efika, lokho—lokho konke Azokwenza. Futhi lapha nina, abaholi bokomoya, abapristi abakhulu nabapristi balomphakathi, nimi lapha ndawonye phambi kwalababantu, nizama ukwenza mnyama iGama laKhe, nizama ukusho okuthile okubi ngaYe. Futhi iNdoda iyafika futhi ivula amehlo ami aphuphuthekile. Ngazalwa ngiyimpumpu. Nangu ubaba wami nomama, benikeza ubufakaza ukuthi ngazalwa ngiyimpumpu. Kade ngihlezi khona lapha phakathi kwenu, yonke leminyaka, ngizalwe ngiyimpumpu. Futhi lokho akukaze kwenzeke selokhu kwaqala umhlaba. Futhi, lapha iNdoda ingafika futhi yenze isimangaliso esingakaze senziwe selokhu kwaqala umhlaba, futhi, nina, baholi bokomoya, futhi anazi lutho ngakho.” Whewu! Hhe! Wathi, “Ngithi lena into emangalisayo.”

¹⁶⁸ Wachema noJesu. Niyabo? Wavunyelwa ukuba abe yimpumpu ukuze imisebenzi kaNkulunkulu ibingabonakaliswa, niyabo, ngoba uza ngasohlangothini lweNkosi uJesu. Wachema naYe.

¹⁶⁹ Manje, wafaka isitinyeli kubo. Niyazi ukuthi benzani na? Bathi, “Manje siyazi wazalelwa esonweni. Uzama ukufundisa thina na?” Bamsunduzela ngaphandle kwebandla. Bamshaya bamkhiphela ngaphandle. Bamphushela ngaphandle. Bamlahlela ngaphandle.

Kodwa kwathi nje angaphonselwa ngaphandle, niqaphelile na? UJesu wamthola futhi. Amen. Amen. UJesu wamthola futhi. Ngakho-ke ungakhathazeki uma bekuphosa ngaphandle. Uzokuthola futhi. Niyabo?Kulungile.

Futhi Wathi kuye, “Uyakholelwa eNdodaneni kaNkulunkulu na?”

¹⁷⁰ Yathi, “Nkosi, InguBani na?” Yayingazi ngisho. Kodwa into kuphela eyayiyazi, ukuthi, ngenkathi yayiyimpumpethe, yayingabona-ke.

¹⁷¹ Futhi ngazi lento eyodwa, mfowethu. Bangahle babize Lokhu ngokushisekela okweqile, nanoma yini abayifunayo. Kodwa, lapho ngake ngaba yisoni, sengi—sengingene emseni manje. Kukhona okwenzekile kimi. Niyabo? Lento eyodwa engi—engiyaziyo manje. Ngokwethemba iZwi laKhe, ngokuMkholwa, ngikhahleliwe ngaphuma kuyo yonke inhlango ngaphansi kobuso beZulu. Ayikho neyodwa yazo engaphinde ingemukele. Niyakwazi lokho. Abanye babesilisa babo bazokwemukela, phandle lapha. Amadoda alungile azokwamukela. Kodwa yonke inhlango ingibhekisela phansi izithupha. Kunjalo. Kodwa Ingitholile. Izongithola kwenye indawo. Kunjalo. Niyabo? Kunjalo. Ize kanjalo.

¹⁷² Futhi ngakho-ke kuzolunga, ngoba sifuna ukuchema noJesu. Futhi indlela kuphela ochema ngayo noJesu ukuchema nalokho Akusho, ukholwa yiZwi laKhe. Ngakho-ke asicheme naYe.

¹⁷³ Indoda eyimpumpethe yabanikeza ubufakazi bangempela. Kulungile. Siyathola futhi ukuthi bazama ukonakalisa iGama laKhe.

Okwesikhashanyana nje, futhi ngizofanele ngeqe ezinye izinto lapha.

Ngakho-ke, ngesinye isikhathi, kwakukhona umFarisi. Ngashumayela ngakho lapha esikhathini esithile esedlule, futhi ngakubiza ngokuthi, “Ukugeza izinyawo zikaJesu.” Ngiyakholwa nonke ningizwile ngishumayela ngalokho lapha, lapho umFarisi acela uJesu ukuthi ehlele endlini yakhe. Omkhulu, omdala, umFarisi oyisitashi olukhuni, futhi waMcela ukuba eze. Futhi niyazi ngakunika umdlalo omncane wasesiteji, ukuthi isigijimi safika kanjani futhi saMthola. Futhi—futhi Uyehla, nokho Wayazi ukuthi Wayezondwa. Nokho, Wahamba, noma kanjani. Futhi ngenkathi sebeMngenise lapho, abazange bageze izinyawo zaKhe. Futhi baMdedela wahlala phansi lapho, enuka, nakho konke okunye, kusuka emshikashikeni wendlela. Futhi nango Ehlezi lapho.

¹⁷⁴ Futhi owesifazane omncane wangena. Bacabanga, “O, he, iNkosi inhle kithi, ngoba, buka, lokhu kuletha nje idili lethu elikhulu!” BaMletha lapho nje ukuhlekisa ngaYe. BaMletha lapho ukuba babenokuhlekisa ngaYe. Futhi manje babecabanga ukuthi iNkosi yayisebenza kahle nabo, ngenxa yokuthi lo

onegama elibi, owesifazane ongunondindwa uyafika ngapho, futhi wayekhala, futhi egeza izinyawo zaKhe ngezinyembezi zakhe, futhi ezesula ngezinwele zakhe.

Futhi umFarisi omdala nabo bonke abapristi bama ngapho ekhoneni, bathi, “Mfowethu, yonke into, iNkosi isilungiselele impela nje. Lapha singalibhixa igama laKhe khona manje. Uzibiza ngoMprofethi, nabantu bacabanga ukuthi UnguMprofethi. Futhi baMbiza ngoMprofethi waseGalile. Futhi Uzisho ngisho ukuthi unguMesiya, futhi siyazi uMesiya uzoba nguMprofethi. Futhi Nangu lapha, uhlezi emuva lapho. Niyabona lapho siMlethe khona na? Buka lapho. Mfana, sinaYe elungisiwe khona manje. NaNguya, ehlezi emuva lapho, eqhothile phansi njengomdlwane ophoxekile noma into ethize emuva lapho. Futhi unondindwa othile, wezinga laKhe uqobo, wayengafika futhi ageze izinyawo zaKhe kanjalo, futhi manje Yena akazi ngisho. Ukube UbenguMprofethi, Ubezokwazi ukuthi hlobo luni lowesifazane abeyilo. Manje, bafana, sizophuza ngalokhu,” bathi, “ngoba, bukani lapho.” Niyabo?

¹⁷⁵ Noma yini ukonakalisa iGama laKhe, noma yini ukonakalisa ukuzethemba kwabantu, bengazi ukuthi babengenwe ngudeveli ukuthi benze lokho. Babesebenza ngokuvumelana nodeveli, bezama ukwenza mnyama iGama leNdodana kaNkulunkulu.

¹⁷⁶ Bakwenza kanjani lokhu, bazalwane na? Ngoba abakaze bayihlole imiBhalo. UJesu wathi, “Hlolani imiBhalo. KuYo nicabanga ukuthi ninokuPhila okuPhakade, futhi YiYo efakaza ngaMi.” O, inkonzo enje pho Ayenayo! Niyabo? Yebo, mnumzane. “Uma Ngingenzi imisebenzi kaBaba waMi, khona-ke ningaNgikhholwa.” Niyabo?

¹⁷⁷ Kodwa lapha lomFarisi wathi, “SiMtholile manje. O, bukani lapha, kukhona mhlawumbe abantu abangamakhulu ayishumi nanhlanu lapha kulomkhosi. Manje Mbukeni ehlezi laphaya. Nango ehleli nonondindwa.”

¹⁷⁸ Futhi, o, he, into embi kanje eyayiyiyo ngalolosuku. Whewu! Hhe! Futhi Wayelapho nowesifazane onegama ilibi, wangena ngesinyelela (kubukeka kanjalo) Ungene ngesinyelela. Watholwa yinsila yenkosi egezana izinyawo nakho konke okunye, futhi wahlala lapho.

¹⁷⁹ Futhi wathi, “Nangu lapha, laphaya egeza izinyawo zaKhe. Manje, ukuba UbenguMprofethi na? Niyabona, bazalwane, leyoNdoda ayisiye uMprofethi. Ukube UbenguMprofethi, khona-ke Ubezokwazi ukuthi hlobo luni lowesifazane abeyilo, egeza izinyawo zaKhe.”

¹⁸⁰ Futhi uJesu wavele wahlala nje futhi wambuka, akazange anyakazise unyawo waze waqeda. Uma uzokwenzela uJesu into ethize, uJesu uyahlala futhi akubuke ukwenze, ngesinye isikhathi. E-hhe. Uyakuvumela uqhubekele phambili uze

uqede, khona-ke umvuzo uyafika. Mhlawumbe ugijima wonke umncintiswano wempilo, usebenzela Yena, kodwa, ungakhathazeki, kukhona umvuzo ekupheleni, uma nje uthatha indlela yakho nohlongothi lwaKhe.

¹⁸¹ Ungahle unga—ungaboni muntu oyedwa ephulukiswa, omkhulekele. Qhubeka nje ubakhulekele. Bengihlale ngithi, “Uma ngikhulekele amakhulu amahlanu ngobusuku; bonke abangamakhulu amahlanu bafa ekuseni; kusasa ebusuku ngizobe ngishumayela ukuphilisa ngokukaNkulunkulu futhi ngikhulekela abagulayo.” Niyabo? Angihlanganise lutho nakho. Niyabo?

¹⁸² Uzokuvumela wehlele ngqo wedlule ekunqotshweni nakho konke okunye, uze wehlele ngqo ekupheleni komgwaqo futhi uqede umsebenzi wakho, njengoba Ahola lowo wesifazane. Wayefuna ukuMenzela inkonzo, ngakho-ke Wavele nje wabamba izinyawo zaKhe phandle lapho wamvumela—wamvumela wazigeza. O, ukuba Wayethe, “Ungakwenzi lokho,” wayeyogxuma futhi abaleke. Kodwa Wamvumela enze inkonzo.

¹⁸³ Futhi emva kokuba eseqedile, eseqede inkonzo leyo ayezoyenza, khona-ke Wabuka phezulu kuloyomzencisi emile emuva lapho, wayezama ukuphosa ubumnyama eGameni laKhe. Wathi, “Simoni, kukhona eNgifuna ukukusho kuwe; hhayi kuye owesifazane, kodwa kuwe. Wena, umi emuva lapho, enhliziyweni yakho, yingalesosizathu uNgehlisele ezansi lapha. Awunanhlanganyelo naMi. BeNgingakwazi na? Kodwa uNgehlisele lapha. Futhi uNgihlalise emuva lapha, ukuze uhlekise ngaMi. Vumela... AwuNginikezanga manzi, ukugeza izinyawo zaMi. AwuNginikezanga lutho ukuNgihlanza. Mina ngihlezi lapha, ngisha futhi ngibuhlungu, awuzange uNginike amafutha obuso baMi. Ubenamahloni okunganga uNgemukele, noma ukuNgixhawule. Niyabo? Ubunamahloni, phambi kwezivakashi zakho. Ube namahloni ukukwenza. Lona wesifazane, selokhu engenile nje, akenzanga lutho ngaphandle kokuhlikihla izinyawo zaMi futhi wazingeza ngazo impela izinyembezi zamehlo akhe, wazesula ngethawula lezinwele zakhe uqobo. Khona-ke, Ngizokukhombisa ukuthi ngabe nginguMprofethi, noma qha.” Amen. Ngiyakuthanda lokho.

¹⁸⁴ “Manje ngifuna ukukhuluma *nawe*, umzuzu nje. Izone zakho, eziningi, zonke uthethelelwe zona.” Hhe!

¹⁸⁵ Ngabe balonakalisa iGama laKhe na? Babecabanga ukuthi babenaLo. Bacabanga ukuba babeLimisile. Babecabanga ukuthi babeMlungisile ukuze imvuselelo yaKhe yayingeke neze ibe kulowo mphakathi. Babecabanga ukuthi babone ukuthonya kwaKhe. Kodwa nje kwakuthathe umuntu oyedwa owayeMthanda, ukuguqula isimo sonke.

¹⁸⁶ Wazi kanjani ukuthi awusiye lowomuntu, womphakathi wakho noma umuntu othile ozohlangana naye na? Chema naYe.

Menzele inkonzo. Menzele okuthile. Niyazi ukuthi ngiqonde ukuthini, bazalwane na? [Abazalwane bathi, “Amen.”—Umhl.] Chema noJesu. Mthathe, Menzele ukuzikhethela kwakho. Menzele inkonzo kungakhathaleki ukuthi noma ubani omunye, noma uke wakhokhelwa, noma yini. Akwenzi mehluko. Linda umsebenzi uze uphele.

¹⁸⁷ Ubungathanda kanjani ukuthi Athi...Noma ngabe ukhulekele abagulayo, futhi abangasinda. Nakuba ukhulekile ukuba uthole ukukhuluma ngezilimi, futhi awukwenzanga. Ukhulekile ukuba uprofethe; awukwenzanga. Kodwa, nokho, into kuphela ongayenza ukuxoxa indaba kaJesu, ebandleni lakho, noma emphakathini wakini, emsebenzini wakho. Ubungahle ungenzi ngisho nento eyodwa; awuholanga muntu oyedwa. Lowo wesifazane akazange aholele noyedwa kuKristu, kodwa waMenzela inkonzo. Futhi kwenza mehluko muni, ekupheleni komgwaqo, uma Ezothi, “Futhi Ngithi kuwe, zonke izono zakho, noma kungekho nowodwa umkhuleko owaphendulelwa wona. Kodwa, wena woza ngesisekelo seZwi laMi. Uyeza ngoba uNgikholiwe, futhi uNgenzele inkonzo. Futhi ngiyasho ukuthi izono eziningi ozenzile zonke zithethelelwe wena”? Lokho bekungaba kuhle ngokwenele kimi. Amen. Yebo, mnumzane. Kulungile.

¹⁸⁸ Bafuna ukuthi, “Izinsuku zezimangalisano sezedlule,” futhi—futhi kanjalo njalo. Mabaqhubeke futhi bakusho. Kodwa asenzele iNkosi inkonzo.

BabeYizonda ngoba babenomona ngaYo. Yingalesosizathu kuphela. Babenomona.

Babezama ukubhubhisa ukuthonya kwaYo phambi kwabantu, ngokufanayo njengoba bekwenza manje. Bona, uma nje bekwazi nje phaka-... ukubhubhisa ukuthonya koMlayezo phambi kwabantu, khona-ke banento eshayiwe. Kunjalo. Ngoba, kungani bazama ukukwenza na? Yingoba Wayemelene nazo zonke izivumokholo zabo nazo zonke izimfundiso zebandla labo, nayo yonke into abakholelwa kuyo, futhi babebize konke okwabo—konke ukukholwa kwabo nokunye nokunye. Wayemelene nakho konke. Futhi babeMzonda ngoba Akazange azifuhlele ngaphakathi nabo.

¹⁸⁹ Manje, ukuba Wayengenile, wathi, “O, Kayafase, ndoda emangalisayo kaBaba waMi. NginguMesiya. Woza lapha, Kayafase. Uyawabona lawo manzi lapho na? Niyakhumbula, ezansi e—eGibhithe, uMose, umprofethi omkhulu wawaphendula aba—aba yigazi. Uyakukhumbula lokho, Kayafase?”

¹⁹⁰ “O, Mfo osemncane, ngiyazi kahle impela leyondaba.”

¹⁹¹ “Kulungile, Kayafase, Ngizophendula amanzi manje, ekusukeni ukuba ngamanzi abe yigazi, ukukukhombisa ukuthi

NgiyilowoMprofethi uMose akhuluma ngaye. Nakho-ke, Kayafase. Ucabangani ngakho na?”

¹⁹² “Ucabangani,” Kayafase, ungumFarisi, “Ucabangani ngabaFarisi na?”

¹⁹³ “O, ngicabanga ukuthi bawuhlanga olumangalisayo lwabantu. O, nonke nigcina amasiko obaba ngokuyiko impela nje.”

“Niyazi, Ubungaba nguMesiya.”

¹⁹⁴ Qhabo. Ubengeke abenguye. Lokho bekuzoba ngumaka impela ukuthi Wayengesuye. Uma ubona othile eza, ethi, “Woza lapha futhi ngizokukhombisa engizokwenza. Futhi woza lapha, ngizokwenza *lokhu* futhi ngenze *lokho*.” Uyakhumbula, khona manje, kukhona okuthile okunethunzi ngakho, zisuka nje.

UJesu wathi, “Angenzi lutho aze uBaba aNgikhombise, kuqala.” Niyabo? Yebo.

¹⁹⁵ Wayemelene nabo. Wafundisa ngokumelene nabo. Wabalahla ngokucina kwabo iSabatha. Wabalahla ngendlela ababegqoke ngayo. Walahla zonke izindlela zempilo yabo, onke amasiko abo, konke ukugeza kwabo amabhodwe, nokugeza amaketela, nokugeza izandla, nakho konke okunye. Wakulahla, konke okunci. Ukugqoka kwabo, Wathi, “Nigqoka izingubo ezelukiwe, futhi nifise izihlalo eziphakeme, nenzenze imikhuleko emide, nidle amakhaya abafelokazi.” Wathi, “Uzokwemukela ukulahlwa okuningi.”

“Awu, khumbula, NginguDkt. S’bani!”

¹⁹⁶ “Anginandaba nokuthi ungubani.” O, ndoda, Wakufaka ngempela. Abazange...Ngani na? Ngoba abaMkholwanga. WayeyiZwi. Niyabo? Wayezama ukuchitha lesosigejane sezomthetho.

Futhi ukube Ubelapha emhlabeni namuhla, Ubengazama ukwenza into efanayo.

¹⁹⁷ Abanye abantu bathi, “Awu, manje, awulinde umzuzu. Sigcina iSabatha, njalo. Senza *lokhu*. Futhi, niyazi, sigcina konke *lokhu*, futhi sikucina *lokho*. Futhi njalo, ngani, njalo ngoLwesihlanu lukaGudi...Ngani, uma kufika isikhathi zokuzila ukudla, izinsukuini ezingamashumi amane ngaphambi kwePhasika, njalo sigcina uLente. Ngiyekela ukubhema, izinsuku ezingamashumi amane. Ngiyekela ukuphuza, izinsuku ezingamashumi amane, ngaphambili, ngesikhathi sikaLente.” O, isiko lawobaba, abomthetho. Uma ubumthanda uNkulunkulu, awu—wubhemi, kwasekuqaleni. Uyamthanda uNkulunkulu, wena...nga—ngabhala kwingemuva leBhayibheli lami elincane, elokuqala engake ngaba nalo. Ngathi:

Ungangibuzi imibuzo ewubuwula.
 Kucabange lokhu engqondweni yakho,
 Uma uthanda iNkosi ngayo yonke inhliziyi
 yakho,
 Awubhemi, uphuze, noma—noma . . .
 Ungabhemi, umpilombe, noma uphuze noma
 yikuphi okuphuzwayo ishani.

¹⁹⁸ Futhi lokho kusemi kahle nanamhlanje. Angikwenzi ngoba ngicabanga ukuthi Uyangilahla ngokukwenza. Bengizokuyela ngoba yinto engcolile, futhi akumfanele umfundisi. Kunjalo. Bengingeke ngisho . . .

¹⁹⁹ Izikhathi eziningi ngangiya ezindlini futhi kukhona abesifazane abamile ngaphandle lapho. Futhi ngingena endlini, ngingqongqoze emnyango, futhi udadewethu ubeyoza emnyango, “Ngena, Mfowethu Branham.” Uma umyeni wakhe engekho lapho, ngaphandle uma kuwudaba lokugula futhi omunye umuntu enami, angiyi. Bese kuthi-ke bayangibiza esibhedlela, noma egumbini, bathi, “Mfowethu Branham, woza ngapha. NginguDade *uS'bani-bani* ovela *Ek'thini-thini*. Ngi—ngilapha ehhotela. Ngi—ngi—ngilethe umama wami. Uyagula.” Ngithatha umkami. Uma ngingamthathi, ngizothatha omunye umfowethu. Niyabo? Angi—Angiyi. Angicabangi . . .

²⁰⁰ Ngicabanga ukuthi bekungaba kuhle kimi ukungena lapho, kodwa kuthiwani uma omunye umuntu engibonile ngihamba ngingena lapho na? Niyabo? Kungathiwani uma omunye umuntu engibonile ngikwenza na? Niyabo? Khona-ke, into yokuqala niyazi, bebezothi, “Ungene phakathi lapho lapho lowo wesifazane ubekhona. Ujahana nabesifazane.” Lokho, niyabo, lokho bekungaba yinto ebengingafanele ngiyenze. Niyabo? Awufanele nenze wenze noma yini enjalo, ngoba ubeka isikhubekiso endleleni yomunye umuntu. Niyabo? Angikholwa ukuthi bengiyokwenza noma yini engalungile phakathi lapho. Bengiyo, bengiyo, futhi ngethembe uNkulunkulu ukungena lapho. Akunandaba ukuthi into ibiyini, bengizothemba uNkulunkulu. Kodwa, nokho, niyabo, futhi—futhi—futhi ngiyayithanda iNkosi ngokwanele kuze kuthi angeke ngikwenze. Niyabo? Uthando onalo. Wena, ubungeke ukwenze ngoba kungumsebenzi ukuthi ukwenze. Ukwenza ngoba uyayithanda iNkosi. Awufanele ukwenze, kodwa uyakwenza, noma kanjani.

²⁰¹ UPawulu wathi, “Kimi zonke izinto zisemthethweni, kodwa azifanele zonke.” Niyabo? UPawulu wayengenza izinto eziningi ukuthi mhlawumbe ukuthi wayazi ukuthi iNkosi yayimqonda, futhi imethemba, kodwa kwakungafanelekile kuye ukuthi akwenze.

Ngakho-ke yileyondlela laba bomthetho, azama ukuthi, “Izinsuku ezingamashumi amane ngaphambili kwePhasika, njalo siqala ngokuzila ukudla.” Futhi badla

nje kakhulu njengoba behlala benza. Mhlawumbe bathi, “Awu, angiwuthandi ubhontshisi, ngakho-ke ngizowuyeka ubhontshisi, ngoLente.” Ngibezwile bekusho lokho. “Angiyithandi inyama yengulube, ngakho nje ngizoyiyeka inyama yengulube, uyazi. Ngizokuyeka ukuphuza, ngenzele uLente.”

²⁰² Omunye wesifazane wangitshela, wathi, “Uyazi ukuthi yini engiyiyekile, ngoLente, kulonyaka, Mfowethu Branham na?”

Ngathi, “Qhabo. Yini na?”

²⁰³ Wathi, “Uswidi.” Wathi, “A—angikaze neze ngiwukhathalele kakhulu, empeleni.” Niyabo?

²⁰⁴ Nakho lapho okhona. Manje, babiza lokho ngokuzila ukudla. Niyabo? Abomthetho. Bathi, “Awu, ngine...Niyazi, ngi—ngi—ngingabazile ukuya esontweni isikhathi eside. Isizathu, ngiyakutshela, ngigcine isikole sangeSonto unyaka wonke, ngoba uthisha wami uthe uma benikezela ngeBhayibheli kulowo ongakaze aphuthe usuku.”

²⁰⁵ Manje, mfowethu, leyo yindlela yokuhamba. Ngingavele ngihambe ngiyozithengela iBhayibheli. Niyabo? Uma ungayi esontweni ngenxa yokuthi uthanda iNkosi, ungamane uhlale kude. Yilokho kuphela. Niyabo? Ngoba, uya lapho ngenxa yokuthi uyamthanda uNkulunkulu. Ngicabanga ngaleliculo esiliculayo.

Libusisiwe igoda elibophayo
Izinhliziyo zethu othandweni lobuKristu;
Inhlanganyelo yethu yomqondo ofanayo
Injengalokho ngaPhezulu.

Nxa sehlokana ingxenye,
Kusinika ubuhlungu bangaphakathi;
Kodwa siyolokhu sixhumene enhliziyweni,
Futhi sethemba ukuphinde sibonane futhi.

²⁰⁶ Niyabo? Yilokho kuphela. “Nxa sehlokana ingxenye, kusinika ubuhlungu bangaphakathi.” Ngisibonile isikhathi, mfowethu. Mangingalahli thina, kodwa ake ngiphaphamise thina entweni ethize. Ngisibonile isikhathi kulelibandla, ukuthi lapho abantu kwakudingeka balinde kuze kube uLwesithathu ebusuku ukuze bahlangane, babeyokukhalela. Futhi kunjalo. Ngibone abefundisi bengena lapha futhi bebeyothi, “Unjani na? Awu, labobantu, benhliziyonye nje.” Niyabo?

²⁰⁷ Bahlangana emnyango bese bethi...Labodadewethu bayahlangana emuva lapho, futhi bagonane, futhi bethi, “Dadewethu, qiniseka ukuthi uyangikhuleka manje. S’thandwa, ngizobuye ngikubone ngoLwesithathu ebusuku. Uzokhuleka, angeke na? Ungikhulekele. Ngizobe ngikukhulekela.” Futhi bekwenza kanjalo, nezinyembezi emehlweni abo.

208 Ngibone abafowethu bebhawulana, futhi nje kunzima ukuthi behlukane kanjalo. Leyo yinhlanganyelo yobuKristu yangempela. Niyabo? Niyabo? Belindile nje, bekhulekelana. Yebo, mnumzane. Yile yondlela esifanele sibe ngayo. Kulungile.

209 Manje, lababantu abenza lezizitatimende, babengesiyi abantu ababi. Babengaqondile ukuba babi. Babecabanga ukuthi babenzela uNkulunkulu inkonzo. LabobaFarisi nezinto, babengesibo ogweva nezidakwa. Babengabantu abakholwayo. Babengebabi. Nje ba—babengalemukelanga nje iZwi leQiniso. Abawemukelanga uMoya. Ngani na? Babambelela ezivumwenikhohlo zabo namasiko ababaholi babo—babo. Niyabo? Kwakukhombisa ukuthi babebathanda abaholi babo.

210 Nangu uKayafase omkhulu, umpristi ophakeme. Nampo bonke lababaholi abakhulu, nalababantu behambisana.

Manje, wena thatha, njengeKatolika. Ba...Kungesikho ukulahlela kubo. Into efanayo kumaProtestane. Thatha umKatolika, uyamthanda umpristi wakhe. Futhi—futhi ngizomtshela ngeZwi leNkosi, futhi—futhi uyayibona imisebenzi kaNkulunkulu. Uthi, “Kodwa ibandla lami—lami alikukholwa Lokho.” Futhi uyahamba ukhulume, futhi umncize. Ngithi . . .

Owesifazane washo kimi, ngelinye ilanga, wathi, “Kuyisono kimi ukukulalela.” Niyabo? Wayengafuni ukuba mubi. Wayecabanga kakhulu ngebandla lakhe nompristi wakhe, kuze kuba, uma elalele noma yini enye...Wayethembekile kulowompristi.

211 UFakazi kaJehova uthembekile kulokho abakukholwayo. IBaptisti ithembekile kulokho abakukholwayo. IPresbyterian ithembekile kulokho abakukholwayo. Futhi bathembeke nje kanjalo kubelusi babo. Besingeke sethembekile kanjalo eZwini na? Niyabo? Manje uma lezo . . .

212 Ngifuna ukunibuza okuthize. Wena uthi, “Awu, Mfowethu Branham, wazi kanjani ukuthi bengenjalo na?”

Manje, uma labobaFarisi nabaSadusi, nabaholi balolosuku, babesukile ezivumwenikhohlo zabo nasezimfundisweni—ze zabo, futhi balalela kulokho okwakushiwo yiZwi nalokho uJesu ayekusho, khona impela nje lokho uMesiya ayefanele akwenze, babeyobambelela kuYe. Niyabo? Kodwa bacabanga kakhulu ngabaholi babo!

Babengesibo abantu ababi. Babengeke bebe, baqambe amanga, baqalekise, noma yini efana nalokho. Babengeke bakwenze lokho. Babengeke baphinge. Ngani, impela babengeke. Ngani, babeyofakazela ukukhandwa ngamatshe kwalowo owayenze into enjalo. Futhi babengeke—babengeke bakwenze lokho. Babengabantu abalungile.

Kodwa into kuphela okwakuyiyo, babengesibo abantu bokomoya. Ngokuziphatha, babekahle, kepha akusikho lokho

okubalulekile. Futhi uJesu wabatshelani, ngisho nalabo bantu abaqotho na? Wathi, “Ningabakayihlo, udeveli.” Niyabo? YiZwi elibalulekile.

Manje ngizosheshisa ngokushesha okukhulu okunokwenzeka.

²¹³ Manje, babengagcwaliswanga ngoMoya, kodwa babethembekile futhi bebambebele esivumwenikhohlo sesimodeni sabaholi babo. Niyabo? Kulungile. Inkonzo yaKhe yayibonisa imfundiso yabo. Yileyo indaba. Manje bukani. Ngizovele ngikuthathe. Manje nje. . .

Bazalwane, ngi—ngi, ngi—ngizonicela, ningixolele, khona manje, ngokuba mude kangaka. Ngi. . . Mhlawumbe angeke nifune ukuthi ngibuyele enye. Kodwa, bukani. Lalelani lokhu. Niyabo? Ngifuna ukuba niqiniseke ukuthola lokhu.

²¹⁴ Manje, babenezivumokhohlo zabo, futhi babengamabandla amakhulu nabantu abakhulu, namadoda amakhulu, amadoda angcwele, amadoda alungile, amadoda amnene, amadoda akahle, amadoda ahloniphekile, amadoda adumile, afundile, ahlakaniphile, akholwayo. Ngabe kunjalo na? [Abazalwane bathi, “Amen.”—Umhl.] Futhi sonke siyakwazi lokho. Kukuhle nje njengoba ungangathola noma yikuphi. Niyabo? Kodwa lapho uJesu efika, inkonzo yaKhe yabonisa imfundiso yabo, ngoba uNkulunkulu wayefakazisa ngenkonzo kaJesu Kristu ukuthi WayenaYe.

²¹⁵ UPetru akazange acaphune into efanayo na? Wathi, “Nina madoda akwa-Israyeli, makwazeke lokhu kuni, futhi yizwani amazwi ami.” Wathi, “UJesu waseNazaretha, iNdoda efakazelwe nguNkulunkulu phakathi kwenu.” Niyabo? Niyabo? Uma bona. . .

²¹⁶ Njengoba lendoda eyimpumputhe yathi, “Akusiyo le into emangalisayo na? Ningabaholi bangokomoya besizwe, futhi nakhu kungena iNdoda futhi ivula amehlo ami ngamandla kaNkulunkulu, kepha nokho anazi lutho ngaYo.” Yathi, “Lena yinto emangalisayo.” Yayinokuthile. Yayingenjalo na? Impela yayinakho. Kulungile. Yayinakho. INdoda ebingenza lokhu, futhi nokho babengazi ukuthi Yayivelaphi. Manje lokho kwakuyinto emangalisayo.

²¹⁷ Manje bukani namhlanje, bazalwane. Niyabo? Sine, siyazi sinokunyakaza kukaNkulunkulu. Siyazi Kwenza izimangalisano. Kuphulukisa abagulayo. Kuvusa ngisho abafile. Kukhipha amadimoni. Kukhuluma ngezilimi futhi kuhumusha izilimi. Kuthumela iziprofetho; ziyenzeka. Usikhombise amaphupho, izincazelo; ephelele, ngokuqinile. Khona-ke akusiyo into exakile ukuthi abaholi abakhulu bebengathi sasiyisegejane sabantu abahlanyayo, lapho bengabaholi besizwe, abaholi bamabandla na? Leyo yinto emangalisayo.

218 Kuyini na? Kusalokhu kungumona. UMoya namandla neZwi likaNkulunkulu kulezizinsuku zokugcina kubonakalisa imibhedesho yabo nezivumokholo, yilokho kuphela okukhona kukho, abaphuphuthekise abantu ngakho.

Ngakho-ke, bazalwane bami abancane, nonke nina eniphuma lapha kulamabandla, bambelela eZwini likaNkulunkulu. Unganyakazi. Uma ungeke uKwenze kwenzeke, ungami endleleni yomunye umuntu. Yima lapho, ushaya emnyango wesango, ukhomba nje kuKho ngqo. Kunjalo. Hlala lapho ngqo. Ningaqali ukushisekela okweqile, ngoba kuzokubonisa. Kodwa uma uzohlala ngeqiniso nobungwele, nangaleloZwi, uNkulunkulu uzokuqinisekisa wena. Kunjalo.

219 Inkonzo yaKhe yayibonisa izimfundiso zabo nemibhedesho. Ngakho-ke bathathe lonke ithuba lokuMxosha, ababengalithola. Yonke into ababengayithola, ukuze baMxoshe, bakwenza. Bezama ukuthi, “Awu, manje, bukani *lapha*. Bukani lapha, *uS'bani-bani*, lo na.”

220 NaNgu, ehlezi lapho, ngeliny'ilanga, endlini kaSimoni, onochoko. Akukho nelilodwa igama lokuthi Wamphilisa. Wayenochoko. Akukho lutho olushoyo ukuthi Wamphilisa. Kunjalo.

221 Wedlula ngasechibini laseBethesda, futhi lapho kwakulele abantu cishe abayizinkulungwane ezimbili, izishosha, izimpumpithe, izinyonga, abashwabenyayo. Futhi Wahamba wawelela kumuntu oyodwa futhi wamphilisa, futhi wasuka wahamba. Bathi, “Awu, manje, ukuba UbenguMesiya, Ubezobaphilisa bonke. Ukube Ubegcwele ububele njengoba nonke nithi Unjalo, Ubezoba nesihawu kubo bonke.”

Yonke into ababengayithola, ukuphosa umaka omnyama kuYe, bakwenza. Konke ababengakuthola, bakuphosela kuYe. Kulungile. Bathatha lonke ithuba ababengalithola, ukususa, ukuMsusa.

222 Babuza ukuzalwa kwaKhe. Ukuzalwa kwaKhe kwakunombuzo. Babeka lokho phambi kwabantu. Abakwazanga ukuqonda ukuthi Wazalwa kanjani ukuzalwa yintombi. Futhi uJosefa, uyise waKhe, wayefanele ukuba ngumbazi. Futhi Wazalwa ngaphambi kokuba uJosefa noMariya bashade. Baphosa lokho phambi kwabantu. Yebo, mnumzane. Niyabo? Yini engiyishoyo manje na? BaMmaka ngokumnyama. Niyabo?

223 “Mbukeni. Wavelaphi na? Bukani umama waKhe, akangaphezu kukanondindwa wasemgwaqeni, ube nalengane. Futhi ngemuva kokuthi ingane isizaliwe...Wayesevele ekhulelwe, umntwana wayezozalwa, bese-ke uJosefa wamshada, ukukufihla, khona-ke uyafika ngapho nohlobo oluthile... Ngani, ngumsebenzi kadeveli. Aniboni na? Yilolo hlobo lokuzalwa.” Baphosa lokho phambi kwabantu, bengakufundi

eBhayibhelini, u-Isaya 9:6, “Intombi iyokhulelwa.” Niyabo? Kwakuyini na? Baqhela eZwini. Yilokho-ke.

²²⁴ Baphosa izithombe ezimnyama egunyeni laKhe. “Madoda ahloniphekile, anazi ukuthi singabafundi bakaMose na? Anazi ukuthi siyizincedu zikaKristu na? Anazi ukuthi sihlola imiBhalo nsuku zonke na? Futhi asinayo neyodwa into.” Bathi, “UMesiya ubezokuza ethempelini laKhe. Akukho nelilodwa izwi laKhe eliza ethempelini. Ukuphi Yena na? Wavela kusiphi isikole na? Buzani noma yimuphi kubazalwane, bobabili amaMethodisti, namaBaptisti, namaPresbyterian, niyazi; abaFarisi, abaSadusi, kanjalo njalo. Nhlobeni yekhadhi lenhlanganyela Aliphathayo na? Likuphi igunya laKhe ngisho nokushumayela na? Akakaze agcotshwe. Akanalo ngisho ilungelo lokushumayela.”

²²⁵ Wathi, “Ukugcotshwa kwaMi kuvela kuNkulunkulu. Imisebenzi yami iqinisekisa lokho eNgiyikho.” Kunjalo. “Angidingi ukuba ngibe namaphepha enu.”

²²⁶ Niyabona ukuthi ngiqonde ukuthini na? Baphosa lokho. IMfundiso yaKhe, ngani, baMbiza ngoBelzebule. IMfundiso yaKhe, abakwazanga ukuyiqonda.

²²⁷ “Ngani, Akavumelani nawo wonke amasiko awobaba. Akavumelani ngisho nabaFarisi. Akavumelani nabaSadusi. Akavumelani nalo lonke iqembu labo. Manje, Uyitholaphi iMfundiso yaKhe na?” Kusukela eBhayibhelini, kusobala.

“Awu,” wena uthi, “awu, manje, ngazi kanjani ukuthi Lokho kunjalo na?” UNkulunkulu wakusekela.

Yilokho indoda eyimpumpu the eyakusho. “Kuyinto emangalisayo, uma niqinisile kakhulu futhi Yena unephutha kakhulu. Nokho Angathatha amandla kaNkulunkulu futhi avule amehlo ami, futhi anikaze nikubone kwenziwa namanje, ngisho. Leyo yinto emangalisayo.” O, he! Ngithanda ukuchema naYe. Anithandi na? [Abazalwane bathi, “Amen.”—Umhl.] Impela. “Nithi ningabafundi bakaMose, futhi niqinisile kakhulu futhi Yena enephutha kakhulu, khona-ke anginibone nenza izinto Azenzayo.” Amen.

²²⁸ Yilapho, iMfundiso yaKhe, baMjivazile, konke ukuzisho kwaKhe. Bathi, “Akanakho... Ukuzisho kwaKhe kwakungalungile, ngokuba nguMesiya. Ubengaba kanjani nguMesiya, engezi ebandleni na? Ubengaba kanjani nguMesiya na? Futhi silapha, ukhilimu ka-Israyeli.”

Kodwa ikhilimu usumuncu. Niyabo? O! Yebo, mnumzane. Usunezimpukane kuwo, ngakho ba—bafanele bengule lokho bakususe.

²²⁹ Ngakho-ke wathi, “Silapha, ibandla, abakhethiweyo. Siyi... Siligcinile isiko. Siyigcinile imithetho kaMose. Senze zonke lezizinto, futhi kwehlele phansi kanjena. Futhi lapha leNdoda iyafika futhi ijivaza ukuzisho kwethu. Nangaphandle

kwalokho, abapristi bethu abangwele, ubaba wethu ongwele, owenza *lokhu* nowenza *lokho*, nalo lonke loluhlobo lwezinto, nabo bonke abantu bethu abakhulu, futhi Ubabiza ‘ngodeveli,’ bese-ke ezibiza Yena ngeNdodana kaNkulunkulu.” O, he! Niyabo?

²³⁰ Bazama ukuphonsa lawomathunzi eGameni likaJesu, nakuJesu, ukuba bakuthole phambi kwabantu. Okuningi kakhulu obekungashiwo lapho, kodwa kuthatha isikhathi esiningi kakhulu. Kodwa ini na? Kodwa iZwi nemisebenzi kwaMqinisekisa. Amen.

²³¹ O, kumakholwa eqiniso, abamiselwe ngaphambili ababemiselwe ngaphambili ukuMbona nokwazi inkonzo yaKhe, Wayelapho-ke. Kungakhathaleki ukuthi Wake wavula umlomo waKhe nganoma yini, babazi ukuthi Wayenjalo. Haleluya!

²³² Lowo nondindwa omdadlana waphumela lapho emthonjeni ngalolosuku, ukuyothola ibhakede lamanzi. Futhi iNdoda ephakathi nendima yempilo ihlezi laphaya, yathi, “Ngiphuzise.”

²³³ Wathi, “Ngani, akusilo isiko kini maJuda ukucela owesifazane waseSamariya okunjalo.”

Wathi, “Kodwa ukube ubuwazi ukuthi Ubani lona obukhuluma kuye!”

²³⁴ “Manje,” wacabanga, “nangu umJuda oliqhalaqhala.” Waphenduka, wathi, “Ngiyabona UngumJuda. Futhi uma UngumJuda, kusobala, Uyakholwa, futhi Wena uthi, ukukhonza eJerusalema. Kodwa ubaba wethu, uJakobe, waphuza kulomthombo, futhi waphuzisa izinkomo zakhe lapha. Futhi amanzi ajulile, futhi Awunalutho ongawakha ngalo. Futhi thina sikhonza kulentaba.”

²³⁵ Wathi, “Awume umzuzu. Hamba ulande indoda yakho futhi uze lapha.”

Wathi, “Anginayo indoda.”

²³⁶ Wathi, “Ukhulume iqiniso.” Wathi, “Unayisihlanu. Ubunayisihlanu, nalena ohlala nayo manje ayisiyo eyakho.”

²³⁷ Lowo nondindwa omncane, emiselwe ngaphambili, sengiyambona ehlisa leyombiza, futhi wathi, “Mnumzane, ngiyabona ukuthi UnguMprofethi.” Niyabo? Niyabo?

²³⁸ Leyombewu yayilele lapho. Into kuphela eyayiyidinga kwakungaManzi, futhi aManzi ayeweke kuyo.

²³⁹ Ngenkathi Ewela kulabo baFarisi, bathi, “NguBelzebule.” Ayengeke alethe lutho. Kwakungekho lutho lapho ngaphandle kokhula, ukuba eze kulo.

²⁴⁰ Kodwa ngenkathi leyombewu emiselwe ngaphambili ishaye lawoManzi okuPhila, wathi, “Mnumzane, Ufanele ube nguMprofethi. Ngiyazi ukuthi lapho uMesiya efika, Uzositshela lezinto.”

Wathi, “NginguYe, okhuluma kuwe.”

241 Washiya leyombiza, futhi wangena emzini! Wayenokuthile ayengakusho. Wathi, “Wozani, nibone uMuntu Ongitshele izinto engenzile. Kungebe nguye impela uMesiya lona na?” Niyabo? Wachema noJesu. Kunjalo.

242 Into emangalisayo, kwakungesiyo na? Bonke abafarisi nabaSadusi abamazanga, futhi lonondindwa waMazi. Niyabo? Ngani na? Labo ababemkholwa, futhi beMthanda, futhi bebone izibonakaliso zaKhe, babazi ukuthi lokho kwakuyisibonakaliso sikaMesiya. Akukho kusondela kukho. Babekwazi.

243 Ngenkathi uNathanayeli omdala enyukela lapho. Mhlawumbe, ngaphambi kukaFiliphu, wathi, “Manje, angazi ngalokhu, Filiphu. Ngibone izinto eziningi zivuka kulezizinsuku zokugcina. Ngiyazi kunezinto eziningi eziqhubekayo.” Kodwa wakhuphukela lapho phambi kwaKhe. Wathi, “Ngizohamba ngiyoMlalela, futhi ngibone ukuthi uzothini.”

244 Wakhuphukela lapho, futhi uJesu wathi, “Bheka umIsrayeli okungekho-nkohliso kuye.”

Wathi, “Rabi, Ungaze nini na?”

245 Wathi, “Ungakabizwa nguFiliphu, uphansi komuthi, Ngakubona.”

246 Yini okwakwenza na? Amanzi ashaya leyombewu eyayimiselwe ngaphambili. O, he! Ngenkathi Kukwenza, wathi, “Rabi, UyiNdodana kaNkulunkulu. UyiNkosi ka-Israyeli.”

247 Kwakuyini na? Imbewu yayilele lapho, ilungele. UNkulunkulu wayihlwanyela emuva ngaleya ngaphambi kokusekelwa komhlaba; Kufanele kuveze ukuKhanya ngalesosikhathi ngqo. Haleluya!

248 Lokho ukuma kwami, khona lapho, mfowethu. Yilapho engikholwa khona, khona lapho. NgaKushumayela, futhi Kuwela *lapha* na *lapho*, futhi bahamba *ngalendlela nangaleyondlela*. Akwenzi mehluko. Kwenye indawo, Kuzoshaya imbewu. Futhi ngenkathi Kukwenza, [UMfowethu Branham ushaya umunwe wakhe—Umhl.] kuzondizela phezulu eMpilweni, *kanjalo*, ngokuqinisekile impela nje njengezwe. Yebo, mnumzane.

249 Njengo, “Lowomfana oyimpumpethe,” wathi, “lokhu kwenziwa ukuze imisebenzi kaNkulunkulu ingahle yenziwe ibonakaliswe.” Niyabo? Niyabo? Wayazi ukuthi yini eyayizokwenzeka. Impela, Wakwenza. Kulungile.

250 Manje, abamiselwe ngaphambili, ngenkathi bebona izibonakaliso zaKhe zangokomBhalo, babazi ukuthi iZwi laqinisekisa imisebenzi, noma imisebenzi yaqinisekisa iZwi, ukuthi iZwi laliqinisele. Babemiselwe ngaphambili ukuKubona, futhi babesemgqeni ngqo wokuLibona, futhi baLithola.

Khona-ke bathi...Emva kokuba sebebonile ukuthi babengeke bafike ndawo.

²⁵¹ Ngoba abantu wayemiselwe ngaphambili ekuPhileni okuPhakade, babezoKuthola. Yilokho kuphela. “Konke uBaba aNgiphe khona kuyakuza kiMi. Futhi konke lokho okuza kiMi, Ngizonikeza ukuPhila okuPhakade futhi ngimvuse ngosuku lokugcina. Angeke kube khona noyedwa wabo olahlekayo.” Amen. Ngibambelele kulokho.

“Kungabi ngemisebenzi, kungabi ngezenzo, kungabi ngamandla, kungabi ngempi; ngoMoya waMi, kusho uNkulunkulu.” Kungabi ngengikwenzile, engiyikho, noma engizoba yikho; kodwa lokho Ayikho. Futhi ngikuYe. Futhi noma ngabe yini Ayiyo, ngiyinxenye yaKhe. Amen. Ngisindisiwe ngoba ngiyinxenye yaKhe. Futhi, Yena, UnguNkulunkulu. Futhi Ngiyinxenye yaKhe, ngokuba yindodana yaKhe. Kunjalo. Ngakho-ke akusikho engikwenzile, engizokwenza. Kuyilokho Akwenzile. Lokho ukwethemba kwami, khona lapho. Kulungile.

²⁵² Ngakho-ke babonile ukuthi angeke bafinyelele ndawo. Ngizokweqa lena embalwa imiBhalo lapha. Babonile ukuthi angeke bafike ndawo, naYe.

Ngakho-ke, niyazi, into elandelayo ababefanele bayenzi, ukuzama ukuMsusa ensimini, bahamba futhi bathi kubazalwane baKhe nomama waKhe, “Niyazi, Ukhathele kabi kabi. Nifanele niMthathe nimbeke eceleni, okwesikhashana.” Lesosigejane sabazenzisi! Abazange nje, into, kwakungukuthi, babengafuni nje ukuthola, into ababengafuni ukuyenza...Babefuna ukuMxosha. Kwakungekhona ukuthi babecabanga ukuthi Wayekhathele kakhulu. Babengathanda ukuthi Asebenze kuze kube sekufeni. Kodwa njalo uma Ephuma, izimangaliso ziqala ukuthululeka, iZwi likaNkulunkulu laphuma.

Mina, bengingethande ukuMuzwa emi phezulu lapho ngalolosuku, ogwini lolwandle, ngenkathi Ebiza uSimoni Petru, futhi wathi, “Ngilandele!” Bengiyothanda ukungena esinqamini futhi ngihlale phansi lapho, ngishiye amanetha ami, futhi ngishiye uthi lwami lokudoba, Mfowethu Crase, futhi ngihlale phansi lapho, ngencika emuva esinqamini futhi ngiMlalele eshumayela ngenkathi Engena kulowomkhumbi! O, he, he! Bengiyothanda ukuba ngiMuzwe lapho Esho lokho, “Wozani kiMi, nina nonke enikhathelayo nenisindwayo. Ngizoniphumuza.” Amen. Ngingathanda ukuMuzwa ekusho.

²⁵³ Bazama ukuthola umama waKhe nabo ukuba baMsuse enkundleni. Bathi, “Awu, uyazi, U—Usebenze ngokweqile. Ngiyakholwa kungcono niMsuse kuleyondlela.” Noma iyiphi indlela, into, ukuba baMxoshe, yilokho kuphela ababekufuna. Yebo, mnumzane.

²⁵⁴ Futhi, abaningi abahamba naYe, ukuthola nje indawo yokuMcupha. Benikwazi lokho na? [Abazalwane bathi, “Amen.”—Umhl.] Abantu balandela behambisana naYe, ukuthola nje indawo. BaMnika, ngelinye ilanga, upeni. Futhi bathi, “Rabi. . .”

Ngaphambi kokuba baMnike upeni, bathi, “Rabi, singamaJuda. Siyazi ukuthi UnguMuntu omkhulu kaNkulunkulu.” O, lowo mzenzisi! Niyabo? Ya. “Thina siyazi UnguMuntu omkhulu kaNkulunkulu. Yebo, Mnumzane, Rabi.” Babehambisana ngqo naYe. “O, sawubona ekuseni, Mfowethu! O, siyajabule kakhulu ukuthi Ungapha ezweni lakithi! O, sijabule kakhulu ukuKubona! SingabaKho ngempela, amazinyo nezinzipho zezinzwane, Mfowethu. Uma Uzoba nemvuselelo, singahle sibambisana ngisho naWe.” Niyabo? Abazama ukukwenza ukuMbekela unoxhaka. Niyabo?

²⁵⁵ Bathi, “Manje, siyazi ukuthi Wena unguMuntu omkhulu kaNkulunkulu. Wena awukhethi muntu. Awesabi lutho ngaphandle kukaNkulunkulu. Futhi siyazi ukuthi Unesibindi. O, Awesabi ngoMlayezo waKho! Siyazi UnguMprofethi omkhulu, ngoba akekho umuntu ongenza kanjalo futhi engesabi ngoMlayezo waKhe ezinsukwini ezinjengalolu, ngaphandle uma UbenguMprofethi kaNkulunkulu, uyazi lapho Emi khona. Ngakho-ke, siyazi Awuhloniphi muntu, akukho muntu. Rabi, UnguMuntu omkhulu. SingamaJuda. Sikanye naWe ngqo, Mfowethu. Impela sinjalo.

²⁵⁶ “Manje Rabi, kulungile yini ukuthela kuKesari na?” O, lesosigejane sabazenzisi! Hhe!

Linda. UMoya oNgcwele wawunaYe. WayenguMoya oNgcwele. Niyabo? Wathi, “Unawo upeni na?”

Uthi, “O, yebo, yebo. Ya. Nginawo upeni, ya, nginawo.”

Wathi, “Nginikeze wona.” Wathi, “Okabani umbhalo okulowo na?”

Wathi, “OkaKesari.”

Wathi, “Khona-ke nikeza uKesari okukaKesari; okukaNkulunkulu okungokukaNkulunkulu.”

²⁵⁷ BeMbekela unoxhaka, bezisho ukuthi bangabangani baKhe. Kubonakala sengathi akekho owayengaMqonda. Babehamba naYe isikhashanyana, bese-ke beMcasukela, futhi bahambe. Babeyothi, “O, awu, sicabangile, sicabangile impela. . .” Ngisho abafundi bathi, “Sicabangile impela lo bekunguYe obezo. . .” Kuze kuba, ngisho uJohane wathumela, waMbuza, “UnguYe, noma sifune omunye na?” Niyabo? O, impilo enje Ayefanele ayiphile, niyabo, futhi ekwazi lokho! Kodwa Wayenenhloso eyodwa, inhloso eyodwa: ukwenza umsebenzi kaNkulunkulu. Abaningi bahamba naYe, ukuthola indawo nje yokuMcupha.

²⁵⁸ Manje, ngiyethemba akusikho ukuthuka okungwele uma ngithi kuyafana namhlanje. Abaningi bayangena futhi balandele umhlangano, ukuthola nje indawo, bakubone ukhulekela omunye umuntu.

²⁵⁹ Lapha, kungekudala, udadewethu othize okhonza kulelibandla, wayekwelinye ibandla lapho uNkulunkulu wayenza konke kwenzeke. Futhi lodadewethu wathi komunye udadewethu, wathi, “Uyazi, lowomuntu ongakhulekela abagulayo,” wathi, “ufanele abe ne—ne—nempilo enqobayo impela.” Futhi wathi, “Ufanele nje akwazi, umndeni wakhe, yonke into, iphulukiswe e [uMfowethu Branham ushaya umunwe wakhe—Umhl.] ezwini elikhulunyiwe, *kanjalo*.”

Futhi elinye inenekazi kwenzeka ukuba libe ngelaseJeffersonville. Futhi ngineqiniso ukuthi akekho ozofanele azi, ngaphandle kwalokho uJesu akusho, “Phakathi kwabantu bakini uqobo,” niyazi, “izwe lakini.” Kunjalo. Yingalesosizathu Ngi...Kungahle kube yilokho njengamanje, ukusondela, kungahle kube ukuguquka kwesikhathi, niyabo.

Futhi wathi—wathi, “Uyazi ukuthini?” Wathi, “Ayikho neyodwa yezingane zakhe engaba nokuhogela, ngaphandle kokuthi ayise kudokotela.” Empofu, eyehliswe isithunzi, into edukisiwe kanjalo, niyabo, niyabo, owesifazane owayefuna nje ukulahla. Wathi, “Uma izingane zakhe zigula, uziyisa kudokotela.”

²⁶⁰ Noma ngubani onengqondo uyokwenza into efanayo. Ya. Abantu abaqondi ukuthi umuthi uthunyelwe nguNkulunkulu. Ngani, bazalwane, uma kungenjalo, ungokadeveli. Impela, kunjalo. UNkulunkulu ulapho umuthi ungeke ufinyelele khona. Impela. Umuthi ungokaNkulunkulu. “Awu,” wena uthi, “Ngazi inqwaba yodokotela nje...” O, yebo, futhi ngazi inqwaba yabashumayeli bayindlela efanayo, nabo. Akusiye umuntu owuphetheyo, yilokho oyikho. Ngiyazi abantu abaningi uphethe iZwi likaNkulunkulu, abakholelwa ekuphulukiseni ngokukaNkulunkulu, abakholelwa ngisho kuNkulunkulu. Kunjalo. Kodwa bayaLiphatha, ngokufanayo nje. Kunabantu abaningi phandle lapho nemithi, nokuhlinzwa, nezinto, abaphika uNkulunkulu nakho konke okunye, kodwa kukhona abaningi abaMkholwayo futhi. Ngakho-ke uma kusiza abantu, kungokukaNkulunkulu. Angidingekile ukuba ngi...Angidingi ukuba ngithathe leyo moto futhi ngiyigibele ngiye ekhaya kulobubusuku. Ngingahamba uma ngifuna. Kodwa uNkulunkulu ungenzele imoto, ngakho-ke ngiyambonga uNkulunkulu ngayo. Zonke lezizinto zivela kuNkulunkulu, kodwa zisebenzise ngengqondo. Ungasangani ngazo. Niyabo?

²⁶¹ Into efanayo, ngakho-ke, lokho, yilokho-ke, niyabo. Ukuzama nje ukuthola okuthize, kulona osemusha ophendukile, ukonakalisa igama labo, igama le—lemisebenzi kaNkulunkulu.

Niyabo? Babefuna ukulona. “Njalo uma umntwana egula, omunye wabantwana bakhe, ubayisa kudokotela.”

Impela, bengingakwenza. Khona-ke uma udokotela engeke... Ngizocela uNkulunkulu asize ngaphambi kokuba ngiye lapho. Khona-ke uma udokotela engenakwenza lutho ngakho, khona-ke ngizomyisa kokuthe ukuphakama kancane. E-hhe. Kunjalo. Yebo, mnumzane.

O, kuyafana nje namhlanje, bazama ukuthola unoxhaka ndawo ndawo.

²⁶² Wayebazi, kodwa qaphelani, Akazange abakhuze. Wahamba ngqo nabo. E-hhe. Wenza into efanayo manje. Uhambisana nabo ngqo, ubakhombisa umusa waKhe, kunjalo, nakuba benza ngakho konke ngokumelene naYe. Ngani na? Ngoba Uyabathanda. Futhi Wahamba nabo.

Kodwa njalo bakulungele ukuMbiza odabeni oluphuthumayo. Bafuna Yena ngaleyonkathi. Bafuna... Bayohlekisa ngomuntu othize, ngokumemeza. Bayohlekisa ngomuntu othize oshumayela ukuphulukisa ngokukaNkulunkulu, bathi abakholelwa kukho. Abakaguli nje ngokwanele okwamanje. Ngibezwile abaningi.

²⁶³ Owesifazane, efa, lapho nje ngigijima ngenyuka ngezitebhisi, ngenkathi ngangishumayela khona lapha. Nendoda imile khona lapho emnyango, ingibiza. Wayesehambile wedlula. Wayehlala phezulu emgwaqeni lapha, futhi wayenenkomazi phandle lapho. Futhi wathi, “Uma inkomazi yami inalolohlobo lwenkolo uBilly anayo, bengiyoyibulala inkomazi.” Ngaphansi kwehora kusukela ngaleyonkathi, washayeka futhi wayiswa esibhedlela, intombi enhle.

Futhi ngaphuthuma phandle lapho. Umyeni wakhe wayeyiKatolika. Futhi bathumela kimi. “Uyafa. Futhi uhambile... Amehlo akhe ayehambe avuvukala. Wathi, ‘Mbizeni. Mbizeni. Mbizeni. Mbizeni. Ngokushesha.’”

²⁶⁴ Futhi umfowabo wagijima phezulu futhi wama lapho emnyango, futhi salinda futhi salinda, futhi wayelokhu engiqhweba. Futhi indawo yayigcwele phama abantu. Futhi emva kwesikhashana, omunye umuntu uyafika futhi wabeka inothi e—edeskini lapha. Lalithi—lalithi, “Othize uyafa esibhedlela.”

Futhi ngiyakholwa, uMfowethu Graham Snelling, ngathi, “Thatha indawo yami ngize ngihambe.” Futhi wayezoma nje ahole ukucula. Wayengabiziwe ngisho, futhi uku—ukushumayela, ngalesosikhathi. Uyakhuphuka ukuhola ukucula.

Futhi ngaphuma futhi ngangena emotweni yami, futhi ngaphuthuma laphaya. Futhi nje lapho ngenyuka ngezitebhisi,

wadonsa umphefumulo wakhe wokugcina. Futhi, kusobala, izibilini nezinsu, yonke into, yenza. Futhi ngagijimela phakathi lapho, futhi base bevele bebumbozile ubuso bakhe, nephunga elinamandla laphuma nxazonke kanjalo. Nalowo mhlengikazi omdala emi lapho, wathi, “Mfowethu Branham, uklabalase ukuphefumulela kwakhe kokugcina ngawe.” Ezama ukukulungisa, kodwa bese kuleyithi kakhulu ngaleyonkathi, niyabona. Ya. Futhi... Ungona ngesikhathi esisodwa kaningi kakhulu, uyazi.

²⁶⁵ Futhi wayethi akabe... ukujula ebusweni bakhe. Wayenezinwele ezibomvu okusagolide; owesifazane omuhle ngempela. Futhi izinwele zakhe—zakhe eziphunguliwe zazibhubhuzela zonke. Amehlo ansundu amakhulukazi ayephushekele ngaphandle, futhi evaleke ingxenywe. Futhi amachashaza ebusweni bakhe ayesefike endleleni enjengokuthi, ukudonseka okunjalo, aze aphumela ngaphandle njengamangqumunga kubo bonke ubuso bakhe, futhi umlomo wakhe wawuvulekile. Futhi ngahamba ngawelela lapho futhi ngambuka.

Futhi lapho umyeni wakhe wayemi lapho, wayesethi, “Billy, naku obekuyikho.” Wathi, “NgiyiKatolika. Ngifuna umkhulekele, ngoba useye esihlanzweni.”

Ngathi, “Ini?”

²⁶⁶ Wathi, “Mkhulekele.” Wathi, “Useye esihlanzweni. Wedlule ngasebandleni lakho cishe emahoreni amabili edlule, futhi uthe, ‘Uma inkomazi yethu ike yathola uhlobo lwenkolo yakho, ubengayibulala inkomazi.’” Niyabo? Wathi, “Mkhulekele.”

²⁶⁷ Ngathi, “Isikhathi sesedlule kakhulu. Ubefanele ahlanze umphefumulo wakhe lapha, angaze afike kwenye indawo.” Niyabo? Kunjalo. O, yebo.

Kodwa besihlale siMfuna ngesikhathi sokuhlupheka. Abantu, ngibezwile bethi, “Angikholelwa kuNkulunkulu.” Makazilimaze qobo lwakhe kabi impela, kanye, ubone owokuqala azoMbiza.

²⁶⁸ Ngisho abafundi baKhe, ngesinye isikhathi ngenkathi babesivunguvungwini. Nakuba, ngenkathi beMbona, babethe ukuMesaba kancanyana. Abazanga nje ngempela ukuthi Kwakuyini. Bathi, “Ngumoya.” Futhi bamemeza kakhulu. Kodwa, nokho, onke amathemba okusindiswa ayesephelele, ngakho-ke baMmema ukuba angene. Ya. Lapho, njalo, noma ngabe uyasola kancane noma qha. Lapho onke amathemba lingasekho, uyathanda ukuMmema ukuba angene. Ya. BaMngenisa, ngoba babenesidingo saKhe. Kunjalo.

²⁶⁹ Niyazi, bengilokhu ngizibuza, ngesinye isikhathi, mhlawumbe yingakho iziphapho zifika. Sewake wakucabanga lokho na? Wahhlala phezulu lapho futhi wababhekisisa baze baba nesidingo saKhe, futhi khona-ke Uyafika enkundleni. Ngakho-

ke, singasibona isidingo sethu saKhe manje. Siyabona ukuthi isiphepho siyeza, mfowethu. Asicheme naYe kulobubusuku. Sicheme neZwi laKhe.

Ngi—ngi—ngiyayeka lapha.

²⁷⁰ Asicheme naYe. Asi, wena nami, bazalwane, sijoyinane naYe, kulobubusuku. Isiphepho siyeza. Futhi ungalindi isikebhe esincane size sicwile. AsiMngenise exolweni lethu elincane manje.

Ungahle ubheke eceleni bese uthi, “Angiziqondi zonke lezizinto, Mfowethu Branham.”

²⁷¹ Ubone uma sisho noma yini ngaphandle kwalokho okuseZwini. Niyabo uma kukhona noma yini lapho ngaphandle kwalokho Athembisa ukukwenza. Kungahle kubukeke kancane njengesipoki kuwe, ngesinye isikhathi. Uyacabanga, “O, he. Angikuqondi Lokho.” Kodwa kuzoba nosuku lapho lokhu kuphila kwakho kuzohamba. A—angeke kubukeke kukubi kakhulu kuwe ngaleyonkathi. Uma wazi, ngokwakho, uzofanele ubuyele kuNkulunkulu owakudalayo, uzofuna ukuMngenisa ngaleyonkathi. AsiMngenise manje, ngaphambi kokuba isiphepho sibe sibi kakhulu kunalokho esiyikho.

²⁷² Ngifuna Yena enhliziyweni yami. Ngifuna Yena kakhulu empilweni yami, kuze kuthi bonke ubumina bami bugwale; ukuthi ingqondo yami, imicabango yami, konke okwami engiyikho, kubuswa futhi kulawulwa nguKristu Jesu. Ngifuna ukulahleka kakhulu, ki—kimina, ukuthi konke engikwaziyo nengikubonayo nguJesu Kristu.

Futhi ngifuna ukuza phambi kwenu nonke, uma uNkulunkulu weZulu enivumela ukuthi nibe nalezizinto engikhulume ngazo. Ngenkathi ngifika phakathi kwenu, ngifuna ukwazi uKristu, Yena obethelwe. Ngi—ngifuna ukwazi inkazimulo nezindumiso eziyigugu zikaNkulunkulu. Ngihlale phansi phakathi kwenu, futhi ngizwe umfundisi oyedwa esukuma futhi anikeze udumo kuNkulunkulu, kulokho akubonile kwenziwa ebandleni lakhe. Omunye, lokho akubonile kwenziwa ebandleni lakhe. Omunye, lokho akubonile kwenziwa ebandleni lakhe.

²⁷³ Yilokho impela abakwenzayo. Futhi lapho behlangana ndawonye futhi bahlangana enhlanganyelweni, eZenzweni 4, babebuka lokho uNkulunkulu ayekwenzile ngapha, nalokho uNkulunkulu ayekwenzile ngapha. Futhi uPetru noJohane babeshayiwe. Futhi—futhi—futhi benza isithembiso sokuthi bazo...lokho ababezokwenza kubo uma beke baphinda bashumayela eGameni likaJesu. Futhi babuthana nabantu babo, futhi bonke bakhuleka nganhliziyonye, futhi bakhuleka entandweni kaNkulunkulu, futhi bacaphuna umBhalo. “Kungani abahedeni badlanga, nabantu bacabanga into

eyize na?” Futhi ngenkathi bekhuleka, uMoya oNgcwele wamazamisa indawo lapho ababebuthane khona ndawonye.

²⁷⁴ Yilolohlobo lomhlangano esiludingayo. Yilokho esifanele sibe nakho, bazalwane. Asiqiniswe ngeZwi likaNkulunkulu, ngoMoya kaNkulunkulu, ngamandla kaNkulunkulu. Futhi iZibani zethu azikhanye kakhulu manje, ukuthi sizoba njengoStefanu.

²⁷⁵ Wama lapho, indoda eyodwa, iyodwa, phambi kwalowo mkhandlu waseSanhedrini wamadoda ayinxenye yesigidi, mhlawumbe, emi lapho. Onke ekhomba ngomunwe wawo wokusola ebusweni bakhe. Ngenkathi lowomfo omncane ephuma lapho, wathi, “Wayekhanya njengengelosi.” Angiqondile, mhlawumbe, ukukhanya ebusweni bakhe, kanjalo. Ingelosi ayidingi ukuba nokukhanya kuyo. Kodwa ingelosi ngumuntu noma...Ingelosi iyisithunywa, futhi isithunywa esaziyo ukuthi sikhuluma ngani.

Waphumela lapho futhi wathi, “Madoda, nani bazalwane, nawobaba, obaba bethu eMesopotamiya, ukuthi bakhishwa kanjani, no-Abrahama,” nokunye nokunye, futhi kuqhubekela ku *S'bani-bani*. Futhi khona-ke wehlela ephuzwini elonakalisayo, wathi, “O, nina bontamo-zilukhuni, abangasokile enhliziyweni nasezindlebeni, kungani nimelana njalo noMoya oNgcwele na? Njengoba kwenza oyihlo, nani nenza kanjalo.” Wayekwazi impela ayemi kukho. Yingalesosizathu ayecwebezela. Wayengabesabi nakancane. Wayemazi Lowo ayemkholiwe.

²⁷⁶ Ngisho nalapho ukufa kungqongqoza emnyango wenhliziyo kaPawulu oNgcwele. [UMfowethu Branham ungqongqoza epulpiti—Umhl.] Futhi wathi, “Ngiyazi kuLowo engikholwe nguye, futhi ngikholisekile ukuthi Uyakwazi ukugcina lokho engikunikele kuYe ngokumelene nosuku.” Amen.

²⁷⁷ INkosi inibusise, bazalwane. Ngiyaxolisa ngiyanigcina lapha kuze kube imizuzu engamashumi amabili-nanhlanu ngaphambi kweleshumi nanye. Ngiyazi ukuthi lokhu akujwayelekile kini. Ngiyaxolisa ukukwenza. Kodwa nibe kahle ngempela kulobubusuku; akekho kini ohambile. Nihlalile futhi nanakisisa.

Futhi ngiyakholwa futhi ngiyethemba ukuthi, kokwami okuncane, okwephukile, ukukhuluma okunokwethuka, ukuthi uNkulunkulu, uMoya oNgcwele, ndawana-thize uthululele ngaphandle iMbewu encane enhliziyweni yakho, ukuze amandla kaNkulunkulu ezoshaya futhi aYilethe ekuPhileni, njengowesifazane emthonjeni, nabanye abamiselwe ngaphambili ekuPhileni okuPhakade. UNkulunkulu anibusise.

²⁷⁸ Mfowethu Neville, uzosikhipha, noma yini ofuna ukuyenza na? Unjani na? Nje e...[UMfowethu Neville uthi, “Ngifuna wena nje uqhubeke.”—Umhl.]

NiyaMthanda na? [Abazalwane bathi, “Amen.”—Umhl.]
 NizoMkhonza na? [“Amen.”] NizoMkholwa na? [“Amen.”]
 Amen.

NiyaMthanda na? Amen.
 NizoMkhonza na? Amen.
 NizoMkholwa na? Amen.
 Amen. Amen.

Sifuna ukulicula. Amen.
 Amen. Amen. Amen. Amen.

IBhayibheli liyiqiniso. Amen.
 NgiyaLikhholwa. Amen.
 LiyiZwi likaNkulunkulu. Amen.
 Amen. Amen.

Asisukume.

Amen. Amen. Amen. Amen. Amen.

Nkosi, siyaKuthanda. Amen.
 Amen. Amen. Amen. Amen.

Siyakholwa Uyeza. Amen.
 Silungele ukuhlangana naWe. Amen.
 Woza, Nkosi Jesu. Amen.
 Amen. Amen.

Siyakhuleka Nkulunkulu ukuba sibe ngokwethu okwedlula
 konke ngazonke izikhathi, ukuMkhonza.

Amen. Amen. Amen. Amen. Amen.

Ngiyethemba Uzonibusisa, futhi anivikele, futhi anigcine,
 futhi abhekisise phakathi kwethu, futhi anoKhele aningenise
 eMbusweni waKhe, ukuba nenze imisebenzi emikhulu, futhi
 angisize ensimini size sibonane futhi.

Amen. Amen. Amen. Amen. Amen.

Ngizonikhulekela. Nizongikhulekela na?

Amen. Amen. Amen. Amen. Amen.

²⁷⁹ Baba wethu, sibuthene kulobubusuku eGameni leNkosi
 uJesu edumileyo, lelo elithandiweyo neGama elithandekayo
 sonke esilithandayo nesilithandisisayo. Ngiyacabanga ukuthi
 amaqembu abantu phansi kwedule eminyakeni, iminyaka
 engamashumi amathathu noma ngaphezulu, sihlangane
 kulesi esidadlana isakhiwo. Sihlale kanjani sazungeza isitofu
 nezinyawo zethu zibulawa amakhaza, cishe impela, futhi sihlale
 lapho nezinyawo zethu phezulu esitofini, futhi sikhuluma
 ngeNkosi uJesu.

Ngicabanga ngezinye izinyawo eziyigugu ezake zanyathela
 phezu komhlaba, ezahlala nalezozinyawo phezulu ngalapho.
 Ngicabanga ngoMfowethu omdala uSeward, uMfowethu Sparks,
 uMfowethu George DeArk, eminingi eminye imiphfumulo
 eyigugu eyake yahlala nezinyawo zayo ngakulesitofu,

usuhambile ukuyohlangana neNkosi yayo kulobubusuku, iphumule ngaleya ethuneni, ilindele lokho kubizwa kwaPhezulu. Bayilwile impi. Bakugecinile ukuKholwa. Baliqedile ibanga. Futhi manje balindele umqhele wokulunga, iNkosi uMahluleli olungileyo ayobanika wona ngalolosuku.

²⁸⁰ Baba Nkulunkulu, sakhuleka ngenkathi sinikela lelibandla elincane ekhoneni, futhi sathi, “Nkosi Jesu, malime nabantu babe kulo lapho Wephula izibhakabhaka, ukufika kulokho okuyimfihlo, ukuhamba okusheshayo kweBandla.” Nkulunkulu, ngiyakhuleka ukuthi imiphefumulo ezoza kuleli-altare, imiphefumulo eKukhonzile, iMbewu yeVangeli ehlwanyeliwe emuva naphambili, futhi emuva naphambili, nasemuva naphambili, ngaphesheya lapha, iminyaka engamashumi amathathu, esikholwa ukuthi iningi lalabobantu abayigugu bayoba lapho ngaloloSuku, ngenxa yalemizamo ebuthakathaka esiyibeke ngaphambili, ukuletha iZwi kuleyoMpilo emiselwe ngaphambili. Siyakubonga Wena ngakho. Futhi siyethemba, Nkulunkulu, kulobubusuku, ukuthi akekho noyedwa okhona manje kodwa oyobakhona ngaloloSuku, embozwe ngeGazi, ebambelele kuJesu. Siphe khona, Baba. Sethembele kuYe.

²⁸¹ Manje sizohlangana lapha futhi ngeSonto ekuseni, iningi lethu. Futhi siyakhuleka, Nkulunkulu, ukuthi Uzohlangana futhi isihlephulele iSinkwa sokuPhila.

Nkulunkulu, sizokhumbula uMfowethu Ruddell nendawo yakhe phezulu lapho, lapho labo abagogobele naye. Yiba nalowomfana oyigugu, Nkosi, ngiyakhuleka. Njengoba ngimbonile ekhuphuka, ngibone lababafo abasebancane, ngizwa sengathi bangoThimothewu bami. Ngiyakhuleka, Baba, ukuthi Uzobusisa uMfowethu Ruddell nenkonzo yakhe. Busisa uMfowethu Junie Jackson. O Nkulunkulu, siyakhuleka ukuthi izibusiso zaKho zizoba phezu kwakhe, phezu kukaMfowethu Crase, phezu kukaMfowethu Snelling, phezu kwalo omunye umfowethu lapho othatha indawo yakhe, noMfowethu Beeler, nomfowethu, bonke laba bafowethu lapha, Nkosi, noMfowethu Neville, nathi sonke, Nkosi. Sikhulekela ukuthi nje izibusiso zaKho ziyomamatheka phezu kwethu, ukuthi umusa waKho uzoba yilokho konke esikudingayo, Nkosi, ukuba siqhubeke.


Futhi kwangathi singekhohlwe neze ukuphawula okuncane, kulobubusuku. Nakuba lowo wesifazane omncane emi lapho, engazi ukuthi ukuphela kuyoba yini; kodwa uJesu wayedinga ukunakwa, futhi wayeMnika khona, yebo, egeza izinyawo zaKhe. Into ethize enganakiwe ukuthi ngisho nalabo abazisho ukuthi bayizinceku zaKhe behluleka ukukwenza, futhi babezama ukuhlekisa ngaYe. Kodwa waMenzela inkonzo, engabhekile umvuzo, futhi angeke kubekhona okukhulu okunikezwayo.

²⁸² Nkulunkulu, sengathi singenza okufanayo, sicindezele nje siqhubeke futhi senze inkonzo kaNkulunkulu. Futhi konke esilangazelela ukukwenza, Nkosi, ukuzwa, ngaloloSuku, “Kwenziwa kahle, nceku yaMi enhle nethembekile. Ngenani ezintokozweni zeNkosi elungiselelwe nina selokhu kwasekelwa umhlaba.” Nkulunkulu, sivumele senze lokho, futhi sigcine inhlanganyelo komunye nomunye. Futhi kwangathi uMoya oNgewele ungaba nathi futhi usihole futhi usiqondise kukho konke esikwenzayo. Futhi sinikeze impilo ende, mhlawumbe, uma kungenzeka, ukubona ukuFika kweNkosi uJesu. Sikucela eGameni laKhe. Amen.

Libusisiwe igoda elibophayo
 Izinhliziyo zethu othandweni lobuKristu;
 Inhlanganyelo yemiqondo efanayo
 Injengalokho ngaPhezulu.

Nxa sehlukana ingxenye,
 Manje kusinika ubuhlungu bangaphakathi;
 Kodwa siyolokhu sixhumene enhliziyweni,
 Futhi sethemba ukuphinde sibonane futhi.

²⁸³ IBhayibheli lathi, “Bahlabelela ihubo futhi baphuma.” UNkulunkulu anibusise manje, ngize ngiphinde nginibone futhi, ngeSonto ekuseni, iNkosi ithanda. Nisale kahle.

²⁸⁴ Jim, angizange ngithole ukukuxhawula, kulobubusuku. UNkulunkulu akubusise. INkosi ikubusise. 

UKUCHEMA NOJESU ZUL62-0601
(Taking Sides With Jesus)

LomMlayezo ngo Mfowethu William Marrion Branham, okokuqala wethulwa ngesiNgisi ngoLwesihlanu kusihlwa, ngo Juni 1, 1962, eTabernakele likaBranham eJeffersonville, eIndiana, U.S.A., uthathelwe ekuqopheni kweteyipu enozibuthe futhi washicilelwa ungafinqiwe ngesiNgisi. Lokhu ukuhunyushwa ngesiZulu kwashicilelwa futhi kwakhishwa yiVoice Of God Recordings.

ZULU

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inothisi yelungelo langokomthetho

Onke amalungelo agodliwe. Lencwadi ingaprintwa kwiprinta yasekhaya yenzelwe okuqondene nomuntu noma inikezelwe, ngesihle, njengethuluzi ukusabalalisa iVangeli likaJesu Kristu. Lencwadi ingethengiswe, iphinde ikhiqizwe zibe ningi, iposwe kwiwebsayiti, igcinwe ngohlelo lokuthi iphinde itholakale, ihunyushelwe kwezinye izilwimi, noma isetshenziselwe ukuzicelela izimali ngaphandle kwemvume ebhaliwe eshiwoyo ye Voice Of God Recordings®.

Ngolwazi olwengeziwe noma olwenye impahla ekhona, siza uxhumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org